

AWE Mainta

E DIFERENCIA DEN NOTICIA

SECRETARIO DI ESTADO DI RELACIONNAN DI REINO ZSOLT SZABÓ OPTIMISTA: **MANEHO FINANCIERO DI ARUBA AINDA NO TA NA ORDO PERO TIN MEHORACION DEN PROCESO**



2

OTMAR ODUBER A LOGRA
A YAMA REUNION
PUBLICO RIBA VIOLENCIA CU A
CAUSA MORTO DI AYDEN LANOY

4

MINISTERIO PUBLICO:
DETENCIONNAN RELACIONA CU
MENASANAN RIBA FACEBOOK

6

ARUBA POR YEGA DI
TA FINANCIERAMENTE
INDEPENDIENTE DI HULANDA?

8



Awo cu 2 florin mas, bo por gana e **MEGA PLUS**

* Afl. **3.250.000,-**

* Afl. 2.100.000,- + Afl. 1.150.000,-
extra

Sorteo ta hunga diabierna 21 di februari 7:45 pm



M-Files
The Smarter Way to Work.

 **the Search!**

Find and access content based on *what it is*, not where it is saved

- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

VCC
International NV

Secretario di Estado di Relacionnan di Reino Zsolt Szabó optimista:

Maneho financiero di Aruba ainda no ta na ordo pero tin mehoracion den proceso

SECRETARIO di Estado di Relacionnan di Reino Zsolt Szabó (PVV) a expresa su mes mas optimista tocante e maneho financiero di Aruba cu su predecesor di D66. Esaki a pesar di un rapport recién di Controlaria General di Aruba, cu ta muestra cu e maneho financiero di e isla ainda ta muestra deficitnan y problemanan structural.

Problemanan structural den maneho financiero

For di e rapport “Onderzoek Jaarrekening Land Aruba 2019” ta resulta cu Aruba ta atrasa cu e entrega y establecimiento di e jaarrekeningnan, locual ta conduci na un ciclo presupuestario deficiente.

Aunke Aruba, segun Szabó, ta tumando pasonan pa recupera e retrasonan aki, e implementacion structural di mehoracion ta keda un problema. E ultimo jaarrekening estableci ta data di 2019 y e presupuesto pa 2025 ainda no ta finalisa.

Miembro di Tweede Kamer Aukje de Vries (VVD) a expresa critica riba e hecho cu gobierno di Aruba, segun Controlaria General, no ta “suficientemente decisivo” den soluciona e problemanan aki. Gabinete Wever-Croes ainda no a implementa mehoracion structural, pa cual e ciclo di responsabilidad di e administracion financiero no ta funciona adecuadamente.

Pasonan pa soluciona e deficitnan financiero

Segun Szabó, for di e Landspakket, un programa di cooperacion entre Hulanda y Aruba, ta trahando duro riba mehoracion.

Esaki ta inclui entre otro:

- Sosten externo pa recupera e retrasonan den e jaarrekeningnan.
- Reforma di e sistema di reportahe y reglanan di destaho publico.
- Expansion di e capacidad di audit di e Servicio Central di Accountant.
- Establecimiento di un organisacion financiero central dentro di Directie Financien.

Aruba a fiha como meta pa na 2026 tin un declaracion di control aproba hunto cu e jaarrekening. Pa esaki, den cooperacion cu Hulanda y Controlaria General, a inicia varios trayecto di mehoracion.



Obstaculo y expectativanan

A pesar di e trayectonan inicia, e implementacion di mehoracion structural ta keda un reto. Un obstaculo importante ta e problema di capacidad dentro di e administracion financiero di Aruba. Esaki no solamente ta dificulta e mehoracion di e maneho financiero, pero tambe tin consecuencianan directo pa e ehecucion di e Landspakket.

Un otro obstaculo ta e Rijkswet Aruba Financieel Toezicht. Actualmente, ainda ta negociando esaki, unda cu Fondo Monetario Internacional (IMF) ta hunga un rol di consehero. E expectativa ta cu e proposicion di ley lo wordo presenta na ambos gobierno den e di dos mita di 2025.

Aunke ta haciendo esfuersonan pa mehora e situacion financiero di Aruba, e descubrimientonan recién ta muestra cu ainda no a soluciona e problemanan structural. E implementacion di reformanan ta canando slow y e procesonan di responsabilidad ta keda atras. Szabó ta declara cu e tin confiansa den e progreso, pero miembronan critico di Tweede Kamer ta enfatisa cu mehoracion concreto ta visibel solamente ora cu e presupuesto y jaarrekeningnan wordo entrega na tempo y transparentemente.

Bron: Algemene Rekenkamer Aruba, Kamerdebatten Tweede Kamer, Ministerie van Binnenlandse Zaken en Koninkrijksrelaties: <https://dossierkoninkrijksrelaties.nl/2025/02/20/szabo-verrassend-optimistisch-over-financieel-beheer-aruba/>

Politica of sabotahe?

Un strategia politico nobo na Aruba?



DEN un movecion politico sin precedente, e gobierno nobo di Aruba ta enfrentando critica caba—prome cu nan a traha un solo dia. E oposicion no a perde tempo den culpa e administracion nobo pa tur cos, for di aumento di prijs di gas te na posibel preocupacionnan Hulandes tocante e proximo prome minister. Pero esaki ta lanta un pregunta serio: Con bo por ta responsabel pa algo ora bo no a ni cuminsa traha? Y mas importante ainda, esaki ta un strategia delibera pa debilita e gobierno nobo prome cu e tin un chens pa actua?

Un di e desaroyonan mas impactante tabat'e advertencianan na gobierno Hulandes tocante e prome minister nobo di Aruba. Incluso prome cu e tuma posicion, tabatin sugerencianan di instabilidad y cautela, cu por haci futuro negociacionnan cu Hulanda mas dificil. Si Aruba kier segura miho acuerdonan financiero, estabilidad ta clave. Anto pakico crea un ambiente di desconfianza prome cu e lider nobo ni sikiera pone un pia den e sala di negociacion? Si e movecion aki tabata destina pa sirbi e interesnan di Aruba, sigur e no ta parece asina. En cambio, e ta parece un esfuerzo calcula pa crea duda y miedo den mente di esnan cu nos ta depende di nan pa decisionnan financiero y economico crucial.

Un otro tactica politico straño ta culpa e gobierno nobo pa aumento di prijs di gas—aunke nan no t'esnan cu ta actualmente na poder. Prijs di gas ta wordo influencia pa mercadonan global, contractonan a largo plaso y factornan economico externo y interno. Si, nos sa e ken, e kico y e pakico, pero toch di algun manera, e administracion nobo ta wordo culpa pa un situacion cu nan no tabatin control riba dje. Mientras tanto, e gobierno actual, cu ainda ta den funcion y tumando decisionnan, ta parece di scapa di respon-

sabilidad. E pregunta mester wordo haci: Nan ta trahando? Of nan no ta? Si e gobierno nobo ta realmente responsabel p'e aumentonan di prijs, anto ken exactamente ta dirigiendo e pais aworaki?

Tambe tabatin confusion tocante responsabilidad ministerial, cu criticonan señalando cu deporte y educacion tabata falt'e ministernan. Sinembargo, esaki ta convenientemente ignora e hecho cu e ministerionan aki a wordo reasigna na un otro minister di e mesun partido. Si un colega ta tuma over e rol, e no mester haya e chens pa haci su trabou? Of e meta ta pa crea un ilusion di caos unda no tin ningun? Ademá, pakico e minister anterior no por a ofrece sosten na su reemplasante? Un esfuerzo di ekipo dentro di e mesun gobierno mester t'e prioridad—pero ta parece cu crea division y panico ta un strategia mas atractivo p'algun.

Finalmente, tur esaki ta conduci na un problema mas grandi: E gobierno actual por existi cosnan cu nunca nan a proporciona n'e administracion anterior? Den nomber di “politica nobo,” awor nan ta spera tratamento husto, pasenshi y cooperacion—ora cu nunca nan a estende e mesun cortesía antes?

E cambio den poder diripiente a trece yamadananan pa transicionnan suave, oposicion constructivo y respet pa gobernacion, pero esakinan tabata luhonan cu nunca a wordo otorga na nan predecesornan. Si Aruba ta realmente cla pa cambio, e ora ey husticia mester aplica pa tur gobierno—no solamente ora e ta beneficia esnan na poder. E enfoka mester ta riba consistencia, responsabilidad y lidera cu ehempel, en bes di spera di otronan loke nan a nenga di duna ora e rolnan tabata inverti.

Otmar Oduber a logra

A yama reunion publico riba violencia cu a causa morto di Ayden Lanoy

DESPUES di a pasa den poco tardansa, finalmente parlamentario Otmar Oduber di PPA a logra entrega su peticion na Presidente di Parlamento mr. Gerlien Croes. Y el a haya un fecha tambe p'e reunion publico aki.

A tuma nota di un publicacion di e parlamentario riba su Facebook cu ta bisa lo siguiente: *"Reunion publico yama pa PPA y co firmantenan FUTURO y AVP a keda yama pa dia 4 di Maart venidero. Otmar Oduber di PPA ta haya cu no mester a warda tanto pa trece claridad pa nos comunidad pero ta dun'e espacio pa por haya tur contesta riba preguntanan den comunidad. Husticia mester ta transparente y igual pa tur hende y meta di e reunion ta pa trece claridad y confiansa bek cerca famianan, instancianan y nos comunidad completo."*

Tur esaki tin di haber cu e caso unda e hoben Ayden Lanoy a perde su vida di un forma violento na man di Polis despues di un persecucion. E funcionarionan policial a los en total 18 tiro, segun e zonidonan cu por a scucha riba un grabacion di camara di seguridad. Pero un di nan lo a perfora su curpa y a bay pega den e curason.

Mientrastanto tin masha hopi speculacion cu e dos funcionarionan policial a wordo manda afo pa nan mesun proteccion, pero no a duna confirmacion di esaki. Tambe Ministerio Publico a dicidi di detene algun persona cu a expresa nan mes di un forma menasante riba rednan

social contra miembronan di cuerpo policial.

Aunke cu Presidente di Parlamento Gerlien Croes a dicidi di cumpli cu e peticion aki y a pone fecha p'e tuma luga, ainda no ta mucho cla kico kier logra cu e reunion aki, mirando cu ainda tin un investigacion andando riba e caso fatal aki y cu mientras e proceso aki ta tumando luga, ta dificil pa yega na algo concreto den un reunion asina.

Ta bisto sin duda cu tin politiconan cu kier probecha di un situacion cu ta nada pa hunga politica barata cu esaki pero ta keda na cada ciudadano of politico, pa haci loke nan ta kere ta bon.

E reunion lo tuma luga dia 4 di Maart proximo y lo inicia pa 9'or di mainta pero aki atrobe Parlamento lo tin cu scucha disertacionnan di un of mas minister demisionario ya cu tur cos ta muestra cu p'e tempo ey, ainda e gabinete nobo no a sinta oficialmente y esaki ta permiti e actual Minister di Husticia demisionario, Rocco Tjon, atende cu e asunto aki.

Mucho gobierno no por bisa riba e caso cu a tuma luga ya cu a wordo anuncia siman pasa caba den un conferencia di prensa, cu tur cos ta den man di Landsrecherche cu ta asigna pa haci e investigacion den e caso aki pa aclaria kico a pasa y kico a conduci na morto di e hoben Lanoy.

Tur loke bin dilanti den e reunion aki, lo ta influencia pa con leu e investigacion di Landsrecherche ta mientras cu e gobierno demisionario no por tuma ningun decision pa loke ta maneho den futuro di loke parlamentarionan kier pidi.

FEB
21ST & 22ND
2025

BAN PARIBA EDITION!

AMC SAN NICOLAAS



**BACCHANAL
CLEARANCE
WEEKEND**

Get a **FREE**
SUNGLASS
WITH A 12+ MONTHS PURCHASE
at OPTICA UNICON

ENJOY DRINKS, SNACKS AND DISCOUNTS
WITH LIVE DJ + ENTERTAINMENT



43" FREE TV WALL MOUNT

NOW
AWG **499,-**
was 679,-
SAVE 180,-

TCL LED 43"-4K ULTRA HD -SMART- BLACK
43P635A



NOW
AWG **599,-**
was 925,-
SAVE 326,-

CUISINART STAND MIXER 5.5Q - 12 SPEED
STAINLESS STEEL BOWL - BLACK
SM-50BK



NOW
AWG **1399,-**
was 1719,-
SAVE 320,-

TCL REFRIGERATOR TM333
L-11.8 CU. FT-2
DOORS - LED LIGHT
INOX
P333TMS



NOW
AWG **4199,-**
was 4899,-
SAVE 700,-

AKT MOTORCYCLE 250CC TT
RED (54114E)
AKTAK250TTFROJO



AMC SAN NICOLAAS 568-9070

HORARIO: 9AM - 6PM
DIALUNA PA DIASABRA





MINI MEGA


MEGA PLUS

Cumpra bo Mini Mega y cu **Afl. 2,-** mas,
bo por gana e jackpot di

AFL.

3.250.000,-

Con?



+



Extra!

Afl. 2.100.000,-

Afl. 1.150.000,-

www.lottoaruba.com



Pa mas informacion yama 525-7555 of bishita nos website lottoaruba.com

Ministerio Publico:

Detencionnan relaciona cu menasanan riba Facebook

DEN un investigacion di Cuerpo Policial Aruba, un total di diesun persona a keda deteni desde siman pasa diahuebs riba sospecho di menasa y/of instigacion riba Facebook. E menasa y instigacionnan aki tabata dirigi contra polis.

Ministerio Publico sa cu e incidente di tiramento cu a tuma lugar riba 9 di februari 2025, den cual un hoben a bin na fayece, a causa emocionnan grandi den comunidad. Sinembargo, esaki no por hiba hende na cuminsa comete hechonan castigabel.

Libertad di expresion ta un di e principionan di Estado di Derecho. Den un Estado di Derecho ta permiti pa personanan expresa opinionnan cu otronan por sinti como insulto. Sinembargo, libertad di expresion no ta sin su limite.Codigo Penal ta demarca e limitenan di libertad di expresion. Cu otro palabra: libertad di expresion ta stop unda ley penal ta start.

Comete hechonan castigabel no ta cay bao libertad di expresion. Menasa hende of expresa na un manera menasante ta un hecho

castigabel. Instiga otronan pa nan comete hechonan castigabel (opruiging) ta un hecho castigabel. Pone textonan menasante of instigante riba social media manera Facebook ta un hecho castigabel.

E personanan cu a wordo deteni awor ta wordo sospecha di e comete e hechonan aki, caminda e textonan menasante tabata dirigi riba polis. Esaki lo no wordo tolera na ningun forma.

E investigacion di e incidente di 9 di februari 2025 dor di Landsrecherche ta keto bay andando.

E polisnan a wordo scucha como sospechoso den e investigacion. Polisnan cu haci uzo di nan arma den tempo di trabou no ta wordo deteni en principio, mientras ta spera riba e resultadonan final di e investigacion hiba pa Landsrecherche, ya cu segun ley, nan por uza e arma di servicio bao cierto condicionnan. E investigacion mester determina si nan a cumpli cu e condicionnan aki. Ey ta mira tambe e diferencia cu civilnan.

GET INTO THE HOTTEST EVENTS

GET YOUR TICKETS ON PAY.AW

The image is a promotional advertisement for the Pay.AW app. It features a woman in the foreground, wearing a black crop top and a vibrant, multi-colored lei, clapping her hands and smiling joyfully. She is surrounded by a shower of colorful confetti. In the background, two men are also smiling. A smartphone is positioned in the lower-left corner, displaying the Pay.AW app interface. The app shows a list of events, including 'FAKKEL 2025' and 'CARNIVAL 71'. The 'FAKKEL 2025' event listing includes details like 'PRICE: APL 125,-', 'TIME & DATE: 8 PM | JAN 11', and a 'Book Now' button. The 'CARNIVAL 71' section lists 'CHILDREN & YOUTH CALYPSO & ROADMARCH CONTEST' and 'C71 Children and Youth Calypso & Roadmarch Contest' with their respective dates, times, and prices. A QR code is visible in the bottom right corner of the app interface, with the text 'DOWNLOAD NOW' and logos for Google Play and the App Store. The Pay.AW logo is prominently displayed at the bottom right of the advertisement.

SUPER
Do it Center.

È (ERBES DI
(CARNAVAL 71!



MAS GRANDI, MAS BARATA!

Aruba por yega di ta financieramente independiente di Hulanda?

ARUBA ta disfruta di autonomia politico dentro di Reino Hulandes desde 1986, pero su dependencia financiero riba sosten Hulandes ta keda un reto significativo. A traves di añanan, Hulanda a proporciona prestamonan y asistencia financiero, specialmente durante crisisnan manera e pandemia di COVID-19, ora cu e economia di Aruba basa riba turismo a colapsa. Colleague Aruba financieel toezicht (CAft) ta monitor e presupuesto y gastonan di Aruba, garantizando estabilidad financiero pero tambe limitando e control financiero completo di Aruba. Si Aruba ta aspira na independencia financiero completo, e mester atende su vulnerabilidad economico, debe halto y dependencia riba turismo.

Un obstaculo grandi pa independencia financiero t'e dependencia pisa di Aruba riba turismo, cu ta representa casi 60% di su GDP. E isla ta hopi vulnerabel pa eventonan global cu ta impacta biahamento, manera a wordo mira durante e pandemia. Pa reduci e riesgo aki, Aruba mester diversifica su economia door di inverti den energia renobabel, tecnologia y servicionan financiero. Expande e produccion di energia solar y di biento por reduci importacion di energia y crea oportunidadnan di exportacion. Desaroya un clima di negoshi 'tech-friendly' por atrae trahadonan remoto y startups internacional. E industrianan aki por proporciona fluhonan di entrada stabiel y mengua e dependencia di Aruba riba turismo.

Un otro problema clave t'e debe di gobierno, cu a yega na nivelnan insostenibel. E proporcion di debe-pa-GDP di Aruba ta surpasa 90%, loke ta nifica cu un gran



parti di e presupuesto di e pais ta bay pa paga prestamonan en bes di inverti den crecimiento. Pa bira financieramente independiente, Aruba mester reforma su sistema di impuesto pa sigura cu negoshi y individuonan cu entrada halto ta contribui husto. Ademas, reduci gastonan innecesario di gobierno y crea un fondo di rikesa soberano of un reserva di emergencia por yuda estabilisa e economia y reduci e dependencia riba asistencia financiero Hulandes.

Encurasha inversion stranhero y emprendimento local ta un otro paso crucial. Aruba por atrae inversionnan stranhero sostenibel den sectornan manera energia, finansa y tecnologia door di ofrece incentivo y mehora e marconan regulatorio.

Na mes momento, sostene negoshinan local a traves di miho acceso na financiamiento y recursonan lo yuda crea trabou y stimula crecimiento economico. Inverti den agricultura y fabricacion na escala chikito tambe por yuda Aruba reduci su dependencia riba importacion caro, manteniendo mas placa den e economia local.

Independencia financiero ta posibel, pero e ta rekeri compromiso a largo plaso y reformanan structural. Door di diversifica e economia, controla debe y fomenta inversion local y stranhero, Aruba por gradualmente reduci su dependencia riba sosten financiero Hulandes. Mientras cu e caminda pa independencia lo tuma tempo, planificacion economico inteligente y gobernacion responsabel por crea un futuro unda Aruba ta para financieramente fuerte riba su mes.

SUNSET GRILLE
Where Classic Delights
Serve Modern Twists

20% off
for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

Open Daily 5:30 pm – 10:30 pm
J.E. Irausquin Blvd. 81, Palm Beach | hiltonaruba.com | @hiltonaruba
+297-526 6612 | AUAHH_SunsetGrille@hilton.com

21 - 27 Feb'25

MEAT

Weekly Special

SUPER

Do it Center®

CHICKEN LEGS



Normal Price f7.99

Get Discount f3.00

f Price. **4.99**

PER KG

PORK SPARERIBS




Normal Price f14.49

Get Discount f3.00

f Price. **11.49**

PER KG

BBQ/GRILL LOINRIBS



Normal Price f18.99

Get Discount f3.00

f Price. **15.99**

PER KG

MARUCHA/TOP BLADE BRAZIL RESERVE



Normal Price f19.49

Get Discount f3.00

f Price. **16.49**

PER KG

CHORIZO SAUSAGE (PORK)



Normal Price f17.49

Get Discount f1.00

f Price. **16.49**

PER KG

CHICKEN CUTSMALL FRENCH GARDEN



Normal Price f18.49

Get Discount f3.00

f Price. **15.49**

PER KG

BBQ/GRILL CHICKEN SATE



Normal Price f17.49

Get Discount f3.00

f Price. **14.49**

PER KG

SOPPI/BNLS SOUPMEAT BRAZIL RESERVE



Normal Price f18.99

Get Discount f3.00

f Price. **15.99**

PER KG

BEST SALE

BLACK ANGUS TOP SIRLOIN STEAK BRAZIL



Normal Price f52.99

Get Discount f8.00

f Price. **44.99**

PER KG

SUPER Do it Center | Shaba 3, Noord | TEL: 5831111

Pakico algun homber nunca ta madura: Comprendiendo crecimiento retrasa y inmadurez pa bida largo

MADUREZ hopi biaha ta wordo mira como un proceso inevitabel—algo cu ta sosode naturalmente cu edad. Toch, nos tur conoce hombernan cu ta parece pega den adolescencia, incluso den edad adulto. Algun ta lucha pa mantene trabou, mantene relacionnan saludabel, of tuma responsabilidad pa nan accionnan. Otronan ta parece emocionalmente stagna, evitando combersacionnan profundo y problemanan di mundo real na fabor di distraccion y placernan a corto plaso. Pero pakico algun homber ta madura mas laat cu otro—y pakico algun nunca ta madura?

1. E rol di biologia: Hombernan ta programa pa madura mas laat?

Ciencia ta sugeri cu e cerebro di hende homber ta desaroya na un ritmo mas lento cu esun di hende muhe. Estudionan ta mostra cu e cortex prefrontal, e parti di e cerebro responsabel pa tuma decision, autocontrol y planificacion, ta madura mas laat den hende homber cu den hende muhe—tin biaha no desaroyando completamente te na mita of final di e añanan 20. E factor biologico aki ta splica pakico hombernan hoben hopi biaha ta mas impulsivo, ta tuma mas riesgo y ta emocionalmente mas reactivo cu nan parehanan femenino. Sinembargo, mientras cu biologia por establece e fundeshi, e no ta determina si un homber lo madura—ambiente y escogencianan personal ta hunga un rol hopi mas grandi.

2. E comodidad di adolescencia prolonga

Sociedad moderno a haci'e mas facil cu nunca pa hombernan pospone responsabilidad. Den generacionnan pasa, hombernan tabata wordo spera pa traha, casa y provee pa un famia pa ora cu nan yega nan 20 aña. Awendia, hopi homber hoben ta keda scol mas largo, ta biba cu nan mayornan te den edad adulto y ta pospone compromisonan grandi di bida. Mientras cu e adolescencia extendi aki por ta beneficioso den algun manera—permitiendo hombernan hoben pa explora nan pasionnan y carera—e tambe ta permiti evita responsabilidad di mundo real. Mas largo un homber ta wordo proteha di luchanan financiero,

emocional y social, mas dificil e ta bira pe pa drenta den madurez.

3. Evitamento emocional y e miedo di crecimiento

Hopi homber nunca ta madura completamente pasobra nan a wordo condiciona pa evita emocionnan en bes di procesa nan. For di infancia, hopi biaha mucha hombernan ta wordo bisa pa “bira homber”, “stop di yora” y “sea fuerte”, cu ta siña nan cu vulnerabilidad emocional ta un debilidad. Como resultado, hopi ta crece bira adulto sin por comunica nan sentimentonan, tuma responsabilidad pa nan accionnan, of forma conexionnan emocional profundo. Nan ta depende di humor, distraccionnan, of incluso agresion pa sconde inseguridad, en bes di enfrente nan emocionnan directamente. E inmadurez emocional aki hopi biaha ta conduci na relacionnan fracasa, dificultad pa maneja stress y un incapacidad pa crece como persona.

4. Gratificacion instantaneo riba crecimiento a largo plaso

Hombernan maduro ta compronde e balor di gratificacion retrasa—e habilidad pa traha duro awor pa recompensanan mas grandi despues. Hombernan inmaduro, sinembargo, hopi biaha ta atrapa den un ciclo di busca placer inmediato. Sea ta weganan di video, fiesta, relacionnan casual, of uzo excesivo di medionan social, hopi homber ta cay den patronchinan di entretenimento a corto plaso cu ta preveni crecimiento a largo plaso. E distraccionnan aki ta stroba nan di desaroya disciplina, ambicion y e habilidad pa maneja e dificultadnan di bida. Sin siña pa pospone gratificacion, madurez berdadero ta keda fuera di alcance.

5. Ningun consecuencia real pa inmadurez

Un di e motibonan mas grandi pakico algun homber nunca ta madura ta cu nunca nan ta wordo forsa pa haci'e. Si un homber por pasa door di bida sin tuma responsabilidad pa su accionnan, e tin poco incentivo pa cambia. Mayornan cu constantemente ta saca nan yiu hombernan for di problema, parehanan cu ta tolera comportacion toxico y luganan di trabou cu ta permiti irresponsabilidad tur ta contribui n'e ciclo aki. Un homber ta madura solamente ora e ta enfrente consecuencianan—sea ta luchanan financiero, e perdida di un relacion, of realisa cu su habitonan ta lagando e pega.

Kibra e ciclo: Con pa encurasha crecimiento

Madurez no ta solamente tocante edad—e ta tocante autoconciencia, responsabilidad y profundidad emocional. Mientras cu algun homber ta madura naturalmente a traves di experiencianan di bida, otro mester di role model nan fuerte, lesnan duro y disciplina personal pa pusha nan padilanti. Mayornan mester establece limitenan cla, parehanan mester exige responsabilidad y hombernan mes mester acepta incomodidad y crecimiento personal.

Na final di dia, madurez ta un escogencia. Mientras cu biologia y sociedad por retrasa e proceso, ta depende finalmente di e individuo pa dicidi si e kier crece—of keda pega den infancia pa semper.



Elements
A VIEW TO DINE FOR

We are open and ready to welcome you!
The award-winning Elements Restaurant is revamped with elegant, eco-friendly designs, introducing new planet-friendly menus for both the restaurant and its renowned Sunday Brunch.

Experience exceptional dining with a fresh View to Dine For at Bucuti & Tara Beach Resort, Aruba's top-rated resort!

Adults-only | Cashless | Reservations Required | Groups of Max 6 Guests
www.elementsaruba.com | +297 583-1100 ext. 109

21 - 27 Feb'25

PRODUCE

Weekly Special

SUPER

Do it Center®

SWEET POTATO JUMBO



Normal Price ₺6.95

Get Discount ₺1.46

f Price. **5.49** PER KG

ZUCCHINI GREEN MEDIUM FANCY



Normal Price ₺10.95

Get Discount ₺2.20

f Price. **8.75** PER KG

BROCCOLI CROWN



Normal Price ₺15.95

Get Discount ₺4.30

f Price. **11.65** PER KG

LETTUCE ROMAINE HEARTS 3CT



Normal Price ₺9.49

Get Discount ₺3.50

f Price. **5.99** EACH

BLACKBERRIES 6OZ



Normal Price ₺10.95

Get Discount ₺4.00

f Price. **6.95** EACH

GRAPES RED SEEDLESS



Normal Price ₺17.95

Get Discount ₺7.46

f Price. **10.49** PER KG

MELON HONEYDEW



Normal Price ₺14.85

Get Discount ₺2.36

f Price. **12.49** EACH

TOMATOES REG

Normal Price ₺8.95
Get Discount ₺4.30

f Price. **4.65** PER KG

ONIONS YELLOW

Normal Price ₺4.35
Get Discount ₺0.96

f Price. **3.39** PER KG

SUPER Do it Center | Shaba 3, Noord | TEL: 5831111



OPINION PUBLICO

Stop di pone carga di adulto riba muchanan di Aruba

APRECIABEL Editor,

Mi ta skirbiendo esaki pasobra mi ta mira un problema serio den hopi cas na Aruba—un cu rara bes ta wordo papia di dje, pero cu ta causa daño profundo. Demasiado mucha riba nos isla ta wordo forsa pa tuma responsabilidad cu ta pertenece na adultonan. Nan ta wordo spera pa cria nan rumannan mas chikito, actua como apoyo emocional pa nan mayornan y tin biaha hasta maneha stress financiero.

Como un Arubiano, mi ta stima mi pais y nos sentido fuerte di famia. Pero mi no por ignora e hecho cu demasiado mayor ta poniendo nan luchanan personal riba e schoudernan di nan yiunan.

Mi a mira adolescentenan cu no por enfoca riba scol pasobra nan ta wordo spera pa cuida mucha tur atardi. Mi conoce muchanan cu mester consola

nan mayornan durante pleitamento, aunke nan nunca mester ta involucra den problemanan di adulto. Mi a tende storianan di muchanan cu ta sinti culpabel pa kier nan propio bida pasobra nan ta wordo bisa cu semper nan mester pone nan famia prome. Esaki no ta husto y e no ta corecto.

Loke hende no ta realisa ta cu e tipo di parentificacion aki (fora muchanan den rolnan di adulto demasiado tempran) ta laga cicatriznan emocional. E muchanan aki ta crece cu ansiedad, stress y duda propio. Nan no ta siña pone limite y nan ta termina den relacionnan insaludabel unda nan ta sinti cu semper nan mester duna y nunca ricibi. Mi a mira esaki sosode y mi ta preocupa cu nos ta creando un generacion di adultonan agota cu nunca a wordo permiti pa ta mucha.

Si bo ta un mayor, mi ta puntra bo esaki: Bo ta criando bo yiunan, of bo ta haciendo nan cria bo? Un mucha no ta un babysitter, un terapeuta, of un solucionado di problema. Nan merece pa siña, explora y disfruta di nan infancia sin carga e peso di responsabilidad di adulto. Si bo no ta cla pa maneha criansa di yiu bo so, e ora ey bo no mester tin yiu en absoluto.

Ta tempo pa Aruba tene e combersacion aki. Nos no por sigui spera muchanan pa crece prome cu nan tempo. Laga muchanan ta mucha. Esey ta nan derecho y ta nos responsabilidad pa proteha esaki.

Un Ciudadano Arubiano Preocupa

**Texto a wordo coregi textualmente y adapta pa publicacion den AWEMainta*

avianca
the sky belongs to all of us

AUA
ARUBA AIRPORT AUTHORITY

Ban Colombia!

BOOK MESORA! avianca.com

Bogota

Medellin

• BUILDING MATERIALS •

Weekly
SPECIALS

21 FEB - 27 FEB'25



~~146¹⁹~~
124⁵⁰

Schrootjes 5mtr 10/pack
White



~~13⁹⁵~~
10⁹⁵

Schrootjes Start Profile 3mtr
Grey/White



~~12⁵⁰~~
10⁵⁰

Murfor 100MM
(blokki 6)



~~395⁰⁰~~
325⁰⁰

Plexiglass Acrylic Sheet
48x96x0.393in (10mm)



~~145⁰⁰~~
120⁰⁰

Traanplaat Galv Steel
2Mx1Mx1.5mm



~~154⁰⁰~~
130⁰⁰

Poly ISO Roof Insulation
1.5in x 4x8ft

Offer valid from 21 Feb - 27 Feb 2025, while supplies last.

SUPER
Do it Center.
Savaneta

Minister Geoffrey Wever y AFTA ta reuni riba e avance den e ley di proteccion di consumidornan na Aruba



MINISTER di Asunto Economico, Geoffrey Wever, recientemente a tene un reunion cu Aruba Fair Trade Authority (AFTA) tocante e ley nobo pa proteha consumidornan, riba cual Raad van Advies a duna recientemente nan conseho. Aworaki e ley ta sigui su trayecto pa ser entrega na Staten.

Como cu proteccion di consumidor ta un di e pilarnan di Aruba Fair Trade Authority (AFTA), na october 2023 Minister Geoffrey Wever, a haci peticion na Hulanda por medio di Landspakket, pa aloca fondonan pa traha riba e ley di 'consumentenbescherming' y inclui proteccion di consumidor bou di responsabilidadnan di AFTA.

E proceso pa selecta un experto pa traha riba e ley di 'consumentenbescherming' a inicia na final di 2023. Y na final di 2024, riba peticion di Minister Wever, conseho di minister a aproba pa e ley aki sigui e trayecto y finalmente wordo trata den Parlamento di Aruba.

Concretamente, e tareanan y autoridad adicional di AFTA den cuadro di proteccion di consumidor ta encera: supervision di e cumplimiento cu e ley di proteccion di consumidor y duna informacion tocante e derecho y deber di consumidornan haciendo uzo di un loket di informacion digital.

Despues cu e ley wordo aproba den Parlamento di Aruba, AFTA lo ta responsabel no solamente pa stimula un competencia husto den nos mercado pero tambe lo contribui na educa consumidornan riba nan derechonan y proteha e consumidornan contra practicanan inhusto den comercio.

Minister Geoffrey Wever ta contento cu e progreso den e ley cu ta bay protege e derechonan di e consumidornan. *"Proteccion di consumidor ta esencial pa un economia moderno. Pronto e ley lo wordo trata den Parlamento di Aruba. AFTA ta fungi un rol esencial den proteccion di consumidornan y creacion di un mercado transparente y husto."*



BUCUTI & TARA
BEACH RESORT - ARUBA



Elements
RESTAURANT

JOIN US & THRIVE!

**TOP 25 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN**

OPEN POSITIONS:

- DOORMAN (M/F)
- COOK
- BARTENDER
- LUNCH SERVER
- ROOM ATTENDANT
- MAINTENANCE TECHNICIAN

UNLOCK THESE BENEFITS WITH US:

- Attractive salaries
- Various bonus opportunities
- 5-Day workweek (40 Hours)
- Up to 27 vacation days based on years of service
- Childcare allowance to support working parents
- Wellness program: gym memberships, annual health check-ups, life & health insurances
- Exclusive employee discounts at Tara Eco, Ling & Sons, and Garage Centraal
- Savings & loan program

JOIN OUR AWARD-WINNING TEAM AND TAKE ADVANTAGE OF THESE INCREDIBLE BENEFITS WHILE GROWING A REWARDING CAREER!

 www.bucuti.com/careers






Weekly SPECIALS

VALID FROM
21 FEB - 27 FEB 2025

HOT
ITEM



IGLOO PROFILE COOLER

- 28-QT
- Blue w/wheels

~~219⁹⁹~~
169⁹⁹

OR 16999 POINTS
34673-IGLOO

HOT
ITEM



CHANNELLOCK VACUUM
CLEANER

- 2.5 Gal
- 2-HP

~~169⁹⁹~~
129⁹⁹

OR 12999 POINTS
300439



IGLOO LATITUDE
WHEELED COOLER

- 16-QT
- Blue

~~129⁹⁹~~
99⁹⁹

OR 9999 POINTS
34825-IGLOO



LANCO PRE-SEAL
PRIMER INT/EXT

- 5 Gal
- White

~~209⁹⁹~~
169⁹⁹

OR 16999 POINTS
PS183-2



ECONOMY ROLLER
FRAME

- 9 in
- 5-wire

~~8⁹⁹~~
6⁹⁹

OR 699 POINTS
788277



BEST LOOK GEN-PURPOSE
KNIT FABRIC ROUGH ROLL-
ER COVER

- 9x3/4 in

~~6⁹⁹~~
4⁹⁹

OR 499 POINTS
772308



GRAS FOAM MAT

- 8 Pcs
- 50x50cm

~~44⁹⁹~~
33⁹⁹

OR 3399 POINTS
131969A



COOLANT ANTIRUST

- Red/Green
- 1 Gal

~~6⁹⁹~~
4⁹⁹

OR 499 POINTS
800



FLY TRAPS

- For Disposable Cups

~~7⁸⁷~~
5⁹⁹

OR 599 POINTS
65880410685

Oferta ta valido 21 feb - 27 feb '25 y tanten cu tin den stock.

SUPER
Do it Center

Do it Center
Camacuri

Do it Center
Savaneta

Migrantenan deporta pa Panama bou di plan di Trump deteni

DEN un desaroyo recien, casi 100 migrante deporta for di Merca pa Panama a wordo reubica for di un hotel na Ciudad di Panama pa un campamento di detencion n'e rand di e selva di Darién. E movecion aki ta parti di e strategia di e administracion di Trump pa maneha migracion no autorisa door di transferi detenidonan pa tercer paisnan.

Detayenan di reubicacion

E migrantenan, procedente di varios pais incluyendo China, Iran, Afganistan y Turkia, inicialmente tabata hospeda den un hotel na Ciudad di Panama bou di supervision di autoridadnan local, cu sosten financiero di Merca a traves di e Organizacion Internacional pa Migracion y e agencia di refugiado di Nacionnan Uni. Diaranson anochi, nan a wordo transporta pa un facilidad di detencion cerca di e Darién Gap, un region di selva remoto y denso. E duracion di nan estadia n'e campamento aki ta keda incierto. Rapport di detenidonan ta describi e condicionnan como primitivo, cu preocupacionnan tocante enfermedadnan prevalente manera dengue. Acceso na periodista y organisacionnan di ayudo a wordo restringi, lantando preguntanan tocante e bienestar y derechonan legal di e migrantenan. Un detenido, Artemis Ghasemzadeh di Iran, a describi e facilidad como similar na un zoologico cu "haulanan cera." El a conta cu nan ta ricibi un minimo di alimento y a wordo pidi pa sinta riba vloer ora nan a yega despues di un biahe di cuater ora for di e capital.

Preocupacion legal y di derechonan humano

E transferencia y detencion di e migrantenan aki a genera debatenan legal y di derechonan humano significante. Ley di Panama ta stipula cu individuonan no por wordo deteni pa mas di 24 ora sin un orden di corte. E situacion actual, unda migrantenan ta wordo deteni sin procedimentonan legal cla, a ricibi critica



di expertonan legal y defensoran di derechonan humano. Criticonan ta argumenta cu e proceso por viola tanto leyman nacional como internacional y tin un falta di transparencia relaciona cu e trato y futuro di e detenidonan. E gobierno di Panama, bou di un acuerdo cu Merca, ta proporciona e migrantenan cu cuido medico y cuminda, cu Merca cubriendo tur e gastonan operacional. Sinembargo, e condicionnan y legalidad di e facilidadnan di detencion a wordo cuestiona.

Acuerdonan internacional y esfuersonan di repatriacion

E situacion aki ta surgi for di un acuerdo bilateral den cual Panama ta sirbi como un pais di transito pa migrantenan deporta for di Merca. E acuerdo ta destina pa facilita e repatriacion di individuonan pa nan paisnan di origen, specialmente ora deportacion directo for di Merca no ta factibel. E minister di seguridad di Panama a raporta cu mas di mita di e 299 migrantenan deporta for di Merca a acepta repatriacion boluntario pa nan paisnan di origen, principalmente na Asia y Medio Oriente. P'esnan cu no ta dispuesto pa regresa, discusionnan ta andando pa haya posibel destinacionnan den tercer paisnan. Si e esfuersonan aki no ta exitoso, algun migrante por wordo temporalmente hospeda den facilidadnan remoto, manera esun den e region di Darién.

Implicacion mas amplio

E enfoka di e administracion ta refleha un strategia mas amplio di maneha retonan di migracion compleho door di colabora cu tercer paisnan. Sinembargo, e politica aki a enfrenta critica pa potencialmente evita proteccion legal y pone migrantenan den situacionnan precario. E escenario actual na Panama ta destaca e complehidad y consideracion etico inherente den politica di migracion internacional y e trato di individuonan desplasa.

START YOUR DAY IN PARADISE

**20% off
for locals***

laguna

**OPEN DAILY
7 – 11 AM**

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

*Offer is valid for local residents with a local ID. Limited to a maximum of 30 persons. Bottles are not included in this offer.

Hilton
ARUBA CARIBBEAN
RESORT & CASINO

Proximo canciyer di Alemania:

E futuro di Europa ta na riesgo



E eleccion federal di Alemania riba 23 di februari 2025 lo no solamente determina e futuro di e pais, pero tambe lo tin consecuencia importante p'e Union Europeo (EU), seguridad y politica exterior. E cuatro candidatonan principal pa Canciyer—Friedrich Merz (CDU), Olaf Scholz (SPD), Robert Habeck (Greens) y Alice Weidel (AfD)—tin cada un, un vision diferente p'e papel di Alemania den Europa y e resto di mundo. Un di e posicionnan mas polemico ta bin di Alice Weidel, cu su partido Alternative für Deutschland (AfD) ta proponé un posibel “Dexit”, unda Alemania ta sali for di EU.

Merz: Fortifica e papel di Alemania den EU y NATO

Friedrich Merz, lider di e partido centro-derecha CDU, ta un gran defensor di unidad Europeo y cooperacion militar. E ta propone pa reintroduci e conscripcion pa fortifica e ehercito Aleman y ta sostiene yudansa militar adicional pa Ucrania, incluyendo arma di largo alcance. Merz ta kere cu un Alemania mas fuerte den EU y NATO ta esencial p'e estabilidad regional.

Scholz: Un enfoke cauteloso pa politica exterior

E Canciyer actual Olaf Scholz di SPD a mantene un postura modera, sosteniendo integracion Europeo mientras cu e ta mas cauteloso cu compromiso militar. El a wordo critica pa tarda cu entrega di arma na Ucrania, pero e ta sigui comprometi na solucionnan diplomatico y estabilidad den e EU.

Habeck: Maneho ambiental y unidad Europeo

Robert Habeck, representante di e partido

Green, ta enfoca riba politica climatico, derecho humano y cooperacion mas fuerte den EU. E ta sostiene ayudo militar y economico continuo pa Ucrania y ta pone enfasis riba transicion na energia renobabel pa reduci e dependencia europeo riba combustibel fosil. Su enfoque ta alinea cu un vision progresivo y sostenibel pa Europa.

Weidel: E push pa Dexit y nacionalismo

Alice Weidel y su partido di extrema derecha AfD t'e unico forza politico mayor cu ta propone pa Alemania sali for di EU. Nan ta propone un referendum tocante e miembresia den EU y un postura mas neutral riba e guerra den Ucrania. Mientras cu AfD a gana mas o menos 21% den e encuesta, e partidonan tradicional a refuta un posibel coalicion cu nan, debi na su postura nacionalista y contra inmigracion.

Kico ta na riesgo?

E resultado di e eleccion lo dicidi si Alemania ta fortifica su papel den e EU of ta move mas den direccion di nacionalismo y aislacionismo. Un victoria pa Merz of Scholz lo nifica cu Alemania ta sigui colabora cu Europa, mientras cu un victoria pa Weidel por crea incertidumbre tocante e compromiso di Alemania cu e EU. Mientras cu e pais ta prepara pa vota, e mundo ta wak cu atencion—pasobra e proximo Canciyer no solamente lo moldea Alemania, pero tambe lo influencia e futuro di Europa mes.

relax, unwind,
rejuvenate

Book your
journey now

eforea
SPA
Hilton Aruba

Open Daily 9 AM – 6 PM | +297 526 6052 | auahh_eforea_aruba@hilton.com
J.E. Irausquin Blvd. 81, Palm Beach | hiltonaruba.com | @hiltonaruba

Aumentando tensionnan entre Merca y Ucrania

Trump ta yama Zelenskyy un ‘dictador’

TENSIONNAN entre Merca y Ucrania a aumenta despues cu Presidente Donald Trump a referi na Presidente Ucrainiano Volodymyr Zelenskyy como un *“dictador sin eleccionnan.”* E comentarionan ta bin na un momento critico, mientras cu e administracion di e Presidente ta pusha pa un acuerdo di paz cu Rusia, cu controversialmente ta exclui Ucrania di negociacionnan directo. E comentarionan a genera reaccion negativo di lidernan Europeo y e gobierno di Ucrania, tensionando relacionnan diplomatico mas ainda.

E acusacionnan di e presidente

Trump a critica Zelenskyy pa suspende eleccionnan durante e guerra actual di Ucrania cu Rusia. El a sugeri cu retrasa eleccionnan ta mina democracia, declarando, *“Un dictador sin eleccionnan, Zelenskyy miho e move lihe, of e no lo tin un pais mas.”* Trump tambe a alega cu e ayudo di Merca na Ucrania a wordo mal uza, implicando cu Zelenskyy tabata buscando pa prolonga e guerra pa sosten financiero en bes di priorisa paz.

E respuesta di Zelenskyy

Zelenskyy a rechasa e acusacionnan di Trump, enfatisando cu e gobierno di Ucrania ta keda democratico a pesar di e situacion di guerra. El a splica cu eleccionnan a wordo posponi bou di ley marcial, un decision sosteni pa tur fraccion parlamentario pa sigura seguridad nacional. El a adverti tambe cu e comentarionan di Trump ta haci eco di propaganda Ruso y por mina e soberania di Ucrania na un momento critico.



Reaccionnan internacional

Lidernan Europeo a uni rapidamente tras di Zelenskyy, rechasando e acusacionnan di e Presidente Mericano. Prome Minister di Reino Uni Keir Starmer, Presidente Frances Emmanuel Macron y Canciyer Aleman Olaf Scholz tur a defende e decision di Ucrania pa pospone eleccionnan, enfatisando cu e guerra ta haci procesonan democratico normal imposibel.

Na mes momento, preocupacionnan ta creciendo tocante e negociacionnan di paz Merca-Rusia, cu ta exclui Ucrania y aliadonan Europeo. Hopi tin miedo cu cualkier acuerdo haci sin e involucramento directo di Ucrania por debilita su posicion y no logra sigura un paz duradero.

Impacto riba politica exterior di Merca

E comentarionan di e Presidente di Merca ta destaca un cambio grandi den e politica di Merca pa cu Ucrania. Door di pusha pa un acuerdo sin Ucrania na mesa y adopta un retorica mas duro pa cu Zelenskyy, e administracion ta core e riesgo di dañá aliansanan cu Europa y altera e curso di sosten Occidental pa Kyiv.

Mientras cu e negociacionnan di paz ta sigui padilanti, mundo ta observa di cerca pa wak si e enfoke di Trump lo conduci na un resolusion genuino of mas destabilisacion den Oost Europa. Loke ta cla ta cu e palabranan di Trump ya caba a agrega combustibel na un situacion ya volatil.

HOLY COMMUNION

Celebrate your special day with
Hilton Aruba Caribbean Resort & Casino.

Contact our catering and events team
to learn about Holy Communion packages.

BOOK NOW

Lilian Polsbroek
Lilian.Polsbroek@hilton.com
526-6120



Benelux ta pidi un prohibicion Europeo

Riba exportacion di combustibel sushi pa West Africa

E paisnan di Benelux—Belgica, Hulanda y Luxemburg—ta urgiendo e resto di Europa pa prohibi e exportacion di combustibel altamente contaminante pa otro partinan di mundo. E combustibel aki, cu ta contene nivelnan excesivo di sulfur, benceno y manganeso, ta mucho mas toxico cu loke regulacionnan Europeo ta permiti. Mientras cu e combustibel aki ta mas barata cu alternativanan mas limpi y legal pa exporta, e paisnan di Benelux ya caba a compromete na un directiva di Nacionnan Uni cu ta prohibi nan comercio.

“Awor, nos ta haciendo un yamada na otro nacionnan pa sigui nos ehempel,” Frans Weekers, Secretario-General di Benelux, a bisa. *“Si e combustibel aki ta demasiado peligroso pa hende y e medio ambiente na Europa, e ora ey nan ta sigur mesun dañino pafo di Europa.”* Hulanda y Belgica ta responsabel pa casi mita di tur e exportacionnan di gasolin pa West Africa, cu 65.2 miyon liter manda diariamente. Cu e mercado di auto di Africa expandiendo rapidamente, e paisnan di Benelux ta reconoce nan impacto ambiental significativo y ta tumando responsabilidad door di pusha pa un prohibicion internacional.

Pa añanan, paisnan manera Ghana y Senegal a bin ta ricibiendo combustibel di calidad abou y hopi contamina cu no ta cumpli cu e standardnan di seguridad Europeo. E exportacionnan aki ta un preocupacion di hopi tempo debi na nan riesgonan severo pa salud y medio ambiente. Nacionnan Uni y varios gobierno Africano a pidi regulacionnan mas estricto, impulsando e nacionnan di Benelux pa actua. Weekers ta spera cu e movcion aki lo *“inspira otro paisnan pa haci mescos.”*

Un di e retonan mas grandi t’e asina yama “efecto di cama di awa”, unda un prohibicion den un pais ta simplemente cambia e exportacionnan pa un otro. Investigacion investigativo door di e colectivo di periodista Spit a revela cu prohibi combustibel sushi den un pais hopi biaha ta conduci na un otro pais



tumando over e comercio. Pa caba cu e loophole aki, Weekers ta enfatisa cu tur e nacionnan Europeo mester adopta e directiva di Nacionnan Uni y converti’e den ley nacional pa segura un prohibicion efectivo y amplio.

E paisnan di Benelux kier pa Union Europeo tuma pasonan concreto pa stop e exportacionnan di combustibel sushi. Nan tambe ta planea pa implementa e prohibicion nacionalmente, cu Hulanda cu e meta di implementa restriccionnan completo pa 2027. Mientras cu e conscientisacion global di daño ambiental y cambio climatico ta crece, e iniciativa di Benelux por sirbi como un modelo pa otro regionnan pa tuma accionnan similar y stop e exportacion di combustibel toxico mundialmente.

wingo.com
¿Cómo quieres volar?

Ban Colombia!

BOOK MESORA! wingo.com

Cali Bogota Medellin

AUA
ARUBA AIRPORT AUTHORITY



Despues di cancelacion di concierto
na Peru debi na hospitalisacion

Shakira su gira ta reanuda



E cantante Colombiano Shakira ta cla pa presenta na Lima, Peru, dialuna 17 di februari, despues di e cancelacion di su concierto di diadomingo debi na un problema abdominal cu a rekeri hospitalisacion. E organizado di concierto Master Live a confirma cu e show di dialuna n'e Stadion Nacional lo sigui manera programa. Un fecha nobo p'e concierto di diadomingo posponi lo wordo anuncia pronto.

Shakira a comparti riba Instagram cu dokternan a conseh'e pa cancela e presentacion, expresando su decepcion pero sigurando fanaticonan cu e ta spera di recupera lihe. Mientras cu no a duna confirmacion oficial di su salida for di hospital, su ekipo a comparti actualisacionnan tocante e concierto di dialuna riba medionan social.

E cantante, actualmente riba su gira mundial "Las Mujeres Ya No Lloran", lo sigui presenta den henter Latino America prome cu e bay Merca na mei. A pesar di e reciente controversionan relaciona cu impuesto, Shakira ta keda un di e artistanan Latino Americano mas influyente di awendia.

Despues cu video deepfake ta bay viral

Scarlett Johansson ta pidi regulacion di AI

ACTRIZ Scarlett Johansson a urgi legisladonan Mericano pa promulga regulacionnan di AI despues cu un video deepfake cu ta musta e y otro celebridadnan condenando e comentarionan antisemita di Kanye West a bay viral.



E video genera pa AI falsamente a representa Johansson bistiendo un T-shirt cu un simbolo ofensivo hunto cu Adam Levine, Mila Kunis, Lenny Kravitz, Mark Zuckerberg, Sacha Baron Cohen y otronan den protesta. Johansson, kende ta Hudiu, a denuncia antisemitismo pero a enfatisa cu mal uzo di AI ta un menasa mas grandi, urgiendo accion rapido di gobierno.

"Merca ta keda paralisa den atende e peligernan di AI," el a adverti, pidiendo legislacion bipartidista.

E video, crea pa experto di AI Ori Bejerano, a wordo etiketa como genera pa AI pero toch a gana traccion online. Otro celebridadnan, incluyendo David Schwimmer, a critica e retorica di West, urgiendo plataformanan di medionan social pa frena discurso di odio.

Johansson ta keda un di e celebridadnan mas vocal contra uzo no autorisa di AI, anteriormente desafiando OpenAI riba un bos sintetico cu ta parece di dje.

Taylor Swift nombra Artista Global di año 2024 pa IFPI

FEDERACION Internacional di Industria di Disco (IFPI) a reconoce Taylor Swift como Artista Global di 2024, marcando e di cinco biaha cu e ta ricibi e premio prestigioso aki despues di su victorianan na 2014, 2019, 2022 y 2023.

E premio ta destaca e impacto global di Swift, impulsa p'e exito masivo di su gira The Eras Tour y e lansamento di su album The Tortured Poets Department na →→→



Mirrors Beauty Academy ta ofrece e siguiente serviccionan

Laba	Tinja	Makeup	Y mucho mas!
Corta	Highlights / Mechitas	Threading	
Blowdry	Ombre / Californiana	Barberia	
Keratina	Bayalage	Manicure	
Cold Wax	Peinado	Pedicure	

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3



april 2024. E trabou aki tambe a dun’e premio den e categorianan di Album Global, Album di Vinil Global y Album den Streaming.

Swift a marca historia door di t’e prome artista pa actua ocho biaha na Wembley durante e mesun gira. Den e clasificacion di IFPI, e tabata sigui pa Drake, Seventeen, Billie Eilish y Stray Kids.

Victoria Oakley, director ehecutivo di IFPI, a elogia Swift pa “redefini e limitenan di exito global” y conecta cu miyones di fanatico rond mundo.



Riba rednan social, seguido y coleganan a lamenta su partida, destacando su impacto riba e musica ranchera y su autenticidad como artista.

Kim Sae-ron a fayece na edad di 24 aña



E actriz Sur Koreano Kim Sae-ron, di 24 aña, a wordo haya morto den su cas na Seongsu-dong, Seoul, diadomingo 17 di februari 2025. Segun polis local, un amigo cu tabatin plan pa reuni cune a descubri su curpa y a alerta autoridadnan.

Aunke no a haya indicacion di crimen, e circun- →→→

stancianan di su morto ta wordo investiga. Kim, reconoci pa su papelnan den Bloodhounds (2023) y The Neighbors (2012), a enfrenta un controversia na 2022 despues di a wordo aresta pa core auto bao influencia di alcohol, locual a afecta su carera.

El a intenta reanuda actuacion na 2024, pero a bandona un obra di teatro debi na problemanan di salud. Su fayecimento ta habri e debate di nobo riba e presion extremo cu artistanan ta enfrenta na Sur Korea, un fenomeno cu a hiba varios figura den entretenimento na enfrenta crisisnan personal serio.

Despues di presentacion di Super Bowl Halftime

Kendrick Lamar ta domina listanan



DESPUES di su presentacion electrificante di Super Bowl Halftime Show, Kendrick Lamar a recupera e puesto No. 1

riba Billboard 200 cu su album “GNX,” cu a move 236,000 unidad ekivalente di album e siman aki.

Lamar tambe a haci historia como e prome artista di rap pa tin tres album den Top 10 simultaneamente, cu “Damn” subiendo na No. 9 y “Good Kid, M.A.A.D City” na No. 10. Mientras tanto, su exito “Not Like Us” a bolbe na No. 1 riba Hot 100, acumulando 49 miyon stream y 20.5 miyon impresion di radio.

Su set di Super Bowl, cu a presenta SZA, Samuel L. Jackson, Serena Williams y Mustard, a destaca cancionnan di “GNX” hunto cu clasico manera “DNA.” y “Humble.”

Esaki ta sigui e exito di Lamar na Grammy, unda “Not Like Us” a gana cinco premio, incluyendo Cancion di Aña y Grabacion di Aña, solidificando su dominio den e industria di rap.

Premionan BAFTA 2025:

“Conclave” ta triunfa den e gala di cine Britanico




ACADEMIA Britanico di Arte Cinematografico y di Television (BAFTA) a celebra su edicion 2025 dia 16 di februari, premiando lo miho di cine.

E pelicula “Conclave”, protagonisa pa Ralph Fiennes, tabat’e gran ganador cu cuater premio, incluyendo Miho Pelicula y Miho Guion Adapta. “The Brutalist” a hiba tres galardón, destacando esun di Miho Director pa Brady Corbet.

Den e categorianan di actuacion, Mikey Madison a gana como Miho Actriz pa “Anora”, mientras cu Adrien Brody a hiba e premio pa Miho Actor pa “The Brutalist”. Zoe Saldaña y Kieran Culkin a wordo premia como Miho Actriz y Actor di Reparto, respectivamente.

Otronan cu a destaca a inclui “Emilia Pérez” como Miho Pelicula den Lengua No Ingles y “Wallace y Gromit” como Miho Pelicula Anima. E gala a reafirma e talento Britanico den e industria cinematografico y a sirbi como preambulo p’e Premionan Oscar.



Join Us

Grupo Maria Auxiliadora
Santa Cruz

Kabouters
7 pa 10/11 aña



Pa mas informacion:
Eliandra Koolman: 569 8627
Angela Angela: 561 3991

Facebook: Grupo Maria Auxiliadora - Het Arubaanse Padvindsters Gilde






Lugar:
Maria School (Santa Cruz)
Tur diasabra
4:30 PM - 6:30 PM

Despues di accidente di auto

JYP Entertainment ta actualisa fanaticonan riba e condicion di Felix



DIA 15 di februari, Felix di Stray Kids tabata involucra den un accidente di auto leve ora su vehiculo a wordo gedal pa un shuttlebus den e parkeerplaats di Inspire Arena. Aunke e impacto tabata leve, e impacto repentino a causa cu Felix a dal su brasa contra e railing, inicialmente diagnostica como un fractura.

Despues di e accidente, el a wordo hiba na varios hospital pa examinacionnan medico, incluyendo X-ray y un MRI scan. Evaluacion adicional a revela cu e fractura mira riba e X-ray tabata un lesion bieu di infancia, aunke un nervio primi a wordo detecta den e area afecta.

Debi na su condicion, Felix no por a asisti n'e fan meeting "SKZ 5'CLOCK". JYP Entertainment a sigura fanaticonan cu su salud y recuperacion t'e prioridad principal y e lo ricibi e tratamiento necesario.

E compania tambe a anuncia plannan pa fortalece medianan di siguridad pa sigura un ambiente di biahe mas sigur pa nan artistanan. Mientras tanto, Stray Kids ta preparando pa nan gira mundial "Dominate", cu lo inclui conciertonan na Latino America, Europa, Reino Uni y Norte America na 2025.

Fecha y luganan revela

BLACKPINK ta anuncia gira mundial 2025

E sensacion di K-pop BLACKPINK a anuncia oficialmente nan Gira Mundial 2025, marcando nan regreso n'e escenario global despues di lunanan di proyectonan individual. E gira, programa pa cuminsa dia 5 di juli na Seoul, lo inclui stopnan den henter Norte America y Europa, cu potencialmente fechanan adicional na 2026.



E ciudadnan confirma ta inclui Los Angeles, Chicago, Toronto y New York na juli, sigui pa Paris, Milan, Barcelona y London na augustus. Notablemente, BLACKPINK lo t'e prome grupo femenino di K-pop pa presenta na Wembley Stadium.

E gira aki ta sigui nan "Born Pink World Tour" cu a kibra record, cu a recauda \$148.3 miyon y a bende mas di 703,000 ticket. Fanaticonan ta anticipa e musica nobo di e grupo cu entusiasmo, ya cu YG Entertainment a sugeri un album proximo.

A pesar di ta enfocando riba carera individual, Lisa, Jennie, Jisoo y Rosé ta keda comprometi na BLACKPINK, sigurando nan dominio continuo den e industria di K-pop. Benta di ticket ta cuminsa dia 27 di februari via Live Nation.

APPAREL **BOAT ACCESSORIES**

TODOMAR

f TodomarAruba @TodomarAruba TodomarAruba +297 585 0555

FISHING TACKLE **FIBERGLASS PRODUCTS**

DEPORTE



DEPORTE@AWEMAINTA.COM

Na caminda pa
weganan Panamerican
Junior Asuncion 2025

Atleta di Taekwondo di Honduras Mayra Cartagena na Aruba pa entrena cu Maelynn Fradl

DEN e mundo di deportenan di combate ta esencial pa por practica bo disciplina den un manera similar na e competencia mes. Esaki kiermen den e mundo di Taekwondo Kyorugi, cu mester entrena a traves di sesionnan di “sparing”.

Den e caso aki, Atleta di Honduras cu tambe ta den proceso di clasificacion p’e weganen Panamerican Junior 2025 na Asuncion, Paraguay, Marya Cartagena a bin Aruba pa asina logra entrena hunto cu Maelynn Fradl cu ta nos atleta local cu tambe ta den e proceso di clasificacion. E atletanan aki sa entrena cu otro mas frecuente, mayoria bes ora Maelynn bay Honduras pa campo di entrenamiento.

E biaha aki, Mayra a opta pa bin Aruba y pa despues nan hunto bay Honduras pa termina e proceso di entrenamiento prome cu e weganen Panamericano Junior ASU2025. Pa mas informacion, mira e video aki unda Marya ta conta un poco di su mes y e proceso di clasificacion.

Pa sunchi indesea riba Jenni Hermoso

Ex-hefe di futbol Spaño Luis Rubiales multa

EX-PRESIDENTE di federacion di futbol Spaño Luis Rubiales a wordo haya culpabel di agresion sexual pa su sunchi indesea riba futbolista Jenni Hermoso despues di e victoria di Spaña den Copa Mundial Femenino na 2023. Un corte Spaño a ordena Rubiales pa paga un multa di mas di €10,000 (\$10,400) den un decision entrega diahuebs 20 di februari 2025.

Un scandal cu a sacudi futbol Spaño

E incidente a sosode durante e celebracionnan despues di wega di e victoria historico di Spaña den Copa Mundial Femenino na augustus 2023. Mientras cu e hungadonan tabata ricibiendo nan medayanan, Rubiales a gara Hermoso y a sunch’e riba boca sin consentimiento, causando controversia inmediato. Hermoso despues a confirma cu e sunchi no tabata consensual, conduciendo na un ola di indignacion publico y protestanan. E scandal rapidamente a bira un di e momentonan mas bergonoso den historia di futbol Spaño, eclipsando loke mester tabata un momento di triunfo p’e ekipo nacional femenino.

Consecuencianan legal y reaccion publico

Rubiales a enfrenta reaccion negativo significativo di hungado-, fanatico- y oficialnan. Inicialmente el a nenga di renuncia, alegando cu e sunchi tabata mutuo. Sinembargo, bou di presion inmenso di publico, FIFA y gobierno Spaño, finalmente el a renuncia na september 2023.

Su huicio a tuma luga n’e rand di Madrid, unda e corte a dicta cu su accionnan a constitui agresion sexual bou di e leynan actualisa di consentimiento sexual di



Spaña. E multa di €10,000, aunke relativamente chikito, ta sirbi como un consecuencia legal oficial pa su accionnan.

Impacto riba futbol femenino y sociedad Spaño

E caso a tin implicacion mas amplio mas leu cu deporte. El a reaviva discusionnan tocante igualdad di genero y acoso den ambientenan profesional, particularmente den futbol femenino. E scandal tambe a conduci na un aumento den yamadanan pa reformanan den e Federacion di Futbol Spaño, cu hopi exigiendo miho proteccion pa atletanan femenino.

Kico ta siguiente?

A pesar di e decision, hopi ta kere cu mester a impone castigonan mas fuerte riba Rubiales. Mientras cu e multa ta representa un victoria legal pa Hermoso y futbol femenino, activistanan ta argumenta cu mester haci mas pa sigura responsabilidad den organisacionnan deportivo rond mundo.

Mientras cu Spaña ta sigui reconstrui su imagen despues di e scandal, e decision contra Rubiales ta sirbi como un recordatorio di e lucha pa respet y igualdad den deporte.



Mientras cu Hamilton ta ricibi un bon bini di heroe na London

Verstappen ricibi cu 'Boo'

PA prome biaha den su historia di 75 aña, Formula 1 a organisa un evento grandi revelando tur e binti piloto y nan autonan simultaneamente. E espectáculo, teni na O2 Arena na London, a presenta un mescla electrificante di musica, shownan di luz y interaccionnan cu fanatico, marcando e comienso oficial di e temporada nobo di F1. Sinembargo, e evento no tabata sin controversia, ya cu e auto di Max Verstappen a wordo ricibi cu boos, mientras cu Lewis Hamilton a ricibi un bon bini di heroe di e publico Britanico.

Reaccionnan mixto pa Verstappen y Hamilton

Mientras cu e tres biaha campeon mundial Max Verstappen a subi escenario pa revela e auto nobo di Red Bull, seccionnan di e publico a reacciona cu boo, un respuesta cu a destaca e division continuo den e base di fanatico apasiona di F1. Verstappen, kende a domin'e deporte den añanan recién, ta keda un figura polarisante, particularmente na Reino Uni, unda su rivalidad intenso cu e shete biaha campeon mundial Lewis Hamilton a laga tensionnan duradero entre fanaticonan.

Den contraste, Lewis Hamilton a wordo ricibi cu aplauso abrumador mientras cu e tabata presenta e desafiante di Mercedes pa 2025. E superstar Britanico, kende lo uni Ferrari na 2026, a ricibi un di e ovacionnan mas fuerte di e anochi, solidificando mas ainda su status como un favorito di fanatico, specialmente riba su mes tereno. E



reaccion a refleha e emocion rond di e ultimo temporada di Hamilton cu Mercedes prome cu su cambio hopi anticipa pa Ferrari.

Un celebracion grandi pa Formula 1

E evento, sin precedente den historia di Formula 1, tabata tin como meta pa trece fanaticonan mas cerca di e deporte cu nunca antes. Cu tur e binti pilotonan reuni bou di un solo dak, fanaticonan a haya un prome bista di e autonan, e diseño y e strategianan di ekipo p'e temporada cu ta bin. E anochi tambe a inclui entrevistanan exclusivo, grabacionnan tras di camara y presentacionnan musical, agregando n'e ambiente festivo.

Expectativanan p'e temporada nobo
Cu Verstappen buscando pa defende

su titulo y Hamilton ansioso pa recupera su gloria anterior, e temporada 2025 ta priminti di ta un di esnan mas emocionante den memoria recién.

E dinamica entre Red Bull, Mercedes y Ferrari lo wordo observa di cerca, specialmente cu regulacionnan nobo y avancenan tecnologico cu ta cla pa cambia e grid.

Mientras cu e ekiponan awor ta dirigi nan enfoka riba e pruebanan di pre-temporada, e cuenta regresivo p'e prome careda di e temporada a cuminsa oficialmente.

Si Verstappen por mantene su dominio of si Hamilton y otro desafiante nan por destron'e ta keda un di e preguntanan mas grandi drentando e temporada nobo.

Mientras Manfred ta atende asuntonan clave

MLB pa test zona di strike automatiza den spring training

MIENTRAS cu e temporada di MLB 2025 ta acercando, Comisionado Rob Manfred a papia n'e dia di media di spring training na Arizona, atendiendo topiconan principal manera e gasto masivo di Dodgers, e proximo acuerdo di negociacion colectivo (CBA), cambianan di regla recien y e introduccion di e sistema di desafio di bola-strike automatiza (ABS).

Cu varios modificacion di regla ya caba cambiando e wegá, MLB ta tumando e siguiente paso door di test tecnologia di zona di strike automatiza durante spring training.

Sistema di desafio di bola-strike automatiza pa wordo test

Un di e desaroyonan mas papia di dje p'e temporada 2025 t'e plan di MLB pa test e sistema di desafio di ABS. En bes di reemplasa umpirenan completamente cu zonanan di strike robotico, e liga a opta pa un modelo basa riba desafio, permitiendone hungadonan pa disputa un cantidad limita di yamadanan di bola-strike.

Bou di e sistema aki:

- Ekiponan ta haya dos desafio pa wegá (nan ta mantene nan si nan ta exitoso).
- Solamente e batiado, catcher, of pitcher por desafia un yamada.
- Desafionan mester wordo haci inmediatamente despues di un lansamento—ningun input di dugout ta permiti.
- E sistema di rastreo Hawkeye lo determina rapidamente si e yamada tabata corecto, mustrandone e resultado riba e videoboardnan di stadion y transmisionnan.

E sistema a wordo getest exitosamente den Triple-A aña pasa, cu yamadanan revisa den un promedio di 17 seconde. MLB ta spera di refina e tecnologia mas ainda prome cu dicidi riba su uzo a largo plaso den e liganan principal.

Manfred riba e gasto di Dodgers y balansa competitivo

Manfred tambe a atende preocupacionnan tocante e payroll record di Los Angeles Dodgers, cu a aumenta drasticamente despues di nan firmamento di Shohei Ohtani y Yoshinobu Yamamoto. Mientras cu algun fanatico ta preocupa tocante ekiponan di mercado grandi dominando e liga, Manfred a defende Dodgers, declarando cu nan ta operando dentro di e reglanan di e sistema.

“Si mi ta bay ta critico di algo, e no ta bay ta Dodgers—e ta bay t'e sistema,” Manfred a bisa. El a reconoce cu e problema real no ta ekiponan gastando demasiado sino mas bien ekiponan cu no ta gastando en absoluto, locual ta impacta e moral di fanatico negativamente.



Negociacion di CBA y futuro combersacionnan laboral

Cu e acuerdo di negociacion colectivo (CBA) actual di MLB programa pa expira na december 2026, Manfred a evita specula riba e proximo negociacionnan laboral. Mientras cu hopi ta anticipa un otro lockout na 2026-27, el a enfatisa cu combersacionnan cu doñonan di ekipo mester bin prome cu cualkier discusion publico.

“Mi debe n'e doñonan pa uni rond di un enfoke di negociacion,” el a bisa, agregando cu e no kier distrae fanaticonan cu disputanan laboral asina tempran.

Cambianan di regla a wordo bon ricibi

E cambianan di regla recien di MLB, manera e pitch clock, prohibicion di shift y intentonan di pickoff limita, tabata un exito tanto riba como pafo di e veld. Manfred a cita aumento den engagement di fanatico y crecemento di asistencia pa tres temporada consecutivo, dunando credito n'e ahustenan di regla pa haci baseball mas rapido, mas emocionante y mas yen di accion.

“E ekiponan tabata mas positivo tocante e cambianan di regla cu mi a spera,” el a bisa. *“E no ta solamente tocante e minuutnan—e ta tocante e accion y atletismo cu fanaticonan tabata buscando.”*

Kico ta siguiente pa MLB?

Cu zonanan di strike automatiza ta wordo getest y cambianan di regla cambiando e wegá, MLB ta sigui pusha den direccion di modernisacion mientras ta balansa elementonan tradicional. Mientras cu disparidadnan di payroll y negociacionnan laboral ta keda retonan, e liga ta optimista tocante su crecemento continuo.

Mientras cu ekiponan ta prepara p'e temporada 2025, tur bista lo ta riba con e cambianan nobo aki ta impacta e wegá—y si e aceptacion di tecnologia di MLB lo conduci na cambianan mas significante den futuro.



NOW PLAYING



FOR SHOWTIMES AND ONLINE TICKETING, VISIT: CARIBBEANCINEMAS.COM

Captain America Brave New World

Sam finds himself in the middle of an international incident after meeting with President Thaddeus Ross. He must soon discover the reason behind a nefarious global plot before the true mastermind has the entire world seeing red.



FOR SHOWTIMES AND ONLINE TICKETING, VISIT: CARIBBEANCINEMAS.COM

The Unbreakable Boy

When Scott and Teresa learn that their son, Austin, is autistic and has brittle bone disease, they initially worry about his future. However, with Scott's growing faith and Austin's incredible spirit, they become unbreakable as they find joy, gratitude and courage in the most trying times.



FOR SHOWTIMES AND ONLINE TICKETING, VISIT: CARIBBEANCINEMAS.COM

Paddington in Peru

When Paddington discovers his beloved aunt has gone missing from the Home for Retired Bears, he and the Brown family head to the jungles of Peru to find her. Determined to solve the mystery, they soon stumble across a legendary treasure as they make their way through the rainforests of the Amazon.




FOR SHOWTIMES AND ONLINE TICKETING, VISIT: CARIBBEANCINEMAS.COM

Mere Husband Ki Biwi

A Delhi professional faces a love triangle when his old flame returns as he falls for someone new. This leads to a series of comedic misunderstandings in his relationships.

For Showtimes and Online Ticketing: www.caribbeancinemas.com



TECNOLOGIA

E smartphonenan mas spera di februari 2025 ya ta riba mercado



FEBRUARI 2025 a yega te cu e ta cabando, cu novedad den mundo di Smartphones. Algun di e modelonan mas spera ya ta na benta, delantando hasta di Mobile World Congress di Barelona. Aunke e aparatonan di 2024 ta sigui ta opcion solido, e lansamentonan nobo manera e Samsung Galaxy S25 Ultra y Honor Magic7 Pro a logra un lugar destaca riba mercado.

E aña aki, inteligencia artificial (AI) ta tuma un papel clave. Cada biaha mas smartphone ta integra assistent digital avansa y herment di fotografia computacional, ofreciendo un experiencia mas intuitivo y potencia. E colaboracion cu number grandi di fotografia manera Hasselblad y Leica, ta siguiendo un boom, garantizando imagen espectacular. Fuera di esey, e fabricantenan ta bay p'e diseñonan di calidad halto y especificacionnan cu ta sigura un bida util prolonga, cu promesa di sosten te na 2030.

Un smartphone di gama halto mester ofrece maximo potencia, fluidez y confiansa. E Procesornan di ultimo gener-

acion, charge rapido y wireless, pantaya cu briyo y resolucion excepcional y reconocimiento biometrico sin fayo awo ta caracteristico esencial. Fuera di esey, e updatenan di e sistema mester ta constante pa mantene e aparatonan sigur y eficiente.

Entre e miho smartphonenan di februari 2025, Galaxy S25 Ultra ta lidera e ranking cu su pantaya impresionante, su característica stylus y un potente sistema di AI. Ta sigui iPhone 16 Pro, cu mehoracion den fotografia y video y Google Pixel 9 Pro, cu ta desta pa su calidad fotografico y sosten di AI avansa. Oppo Find X8 Pro ta posiciona como un opcion di luho p'e amantenan di fotografia, mientras cu Honor Magic7 Pro ta cera e lista cu su diseño elegante y potencia di nivel halto.

Den un mercado caminda e competencia ta feroz, e modelonan aki ta representa lo miho di e tecnologia actual. Si bo ta buscando renoba bo aparato, e opcionnan aki t'esunnan mas destaca di e temporada.

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :

- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-7456724

Turning **Ideas** into Breakthrough **Solutions**

Marisa Geerina Tromp gradua di Universidad di Aruba



DIA 13 di februari, 2025 a gradua na e Facultad di Ley na Universidad di Aruba, Marisa Geerina Tromp.

El a gradua defendiendo su tesis titula:

"Ambient Intelligence en zijn rol binnen het contractenrecht"

Miembronan di e comision di examen tawata:
mr. dr. C. Bollen, mr. dr. C. Luk, mr. H. Meijer

Universidad di Aruba ta felicita Marisa Geerina Tromp cu su logro.

Saskia Noraida Raiza Croes a gradua di Universidad di Aruba



DIA 7 di februari, 2025 a gradua n'e Facultad di Ley na Universidad di Aruba, Saskia Noraida Raiza Croes.

El a gradua defendiendo su tesis titula:

"De vergunningen van rechtswege, Lex silencio positivo. De mogelijke gevolgen van de invoering van de Lex silencio positivo in het Arubaanse bestuursrecht"

Miembronan di e comision di examen tawata:
mr. dr. H.E. Bröring, mr. B. Huiskes, mr. H. Meijer

Universidad di Aruba ta felicita Saskia Noraida Raiza Croes cu su logro.





COMFORT, FOOD AND COCKTAILS




FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**

 **Caribbean Cinemas Aruba**

DOWNLOAD OUR APP





+297 730 1486

SABANA BLANCO 40
ORANJESTAD, ARUBA



Beauty Bar P.M.U & LASH ARTIST **By JEN**

Specialised in

*Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner*

 Beauty Bar by Jen

 beautybar_byjen

Mosaik Picassiette

Un exposicion unico na biblioteca

SRA Enrita Werleman y su studiantenan ta presenta nan exposicion 'Mosaik Picassiette'. E exposicion bunita aki lo ta habri for di diaranson 26 di februari te cu diabierna 5 di maart, durante orario regular di biblioteca na O'stad.

Mientras arte di mosaik tradicional ta uza pida chikito di mosaik, Pique Assiette ta uza pida di tayo corta pa forma un obra di arte. Na Frances e palabra Pique Assiette ta nifica "recogedo di tayo" of "ladron di tayo" y ta referi na uza tayo of recicla tayo kibra, sobra di glas y traha arte cu esaki. Un ehempel di picassiette tin na Chartres, Francia. E Maison Picassiette ta e trabou increibel di e artista Raymond Isidore.

El a nace casi na e mes un tempo cu Gaudi (artista renombra di Spaña). Isidore, cu a siña e technica su mes a cuminsa decora su cas. A ser bisa cu e tabata recoge y colecta tayonan di dumpnan y tambe tabata haya donacion di otro hende. Sin ningun training den arte Isidore a pone e pida pidanan den cement y pega nan riba e murayanan di su cas cu asina a bira un obra di mosaik. Awendia, La Maison Picassiette ta un destinacion turistico na Francia

Mas artistanan a sigui traha obranan cu tayo.

Solange y Alexandre Piffer, Artista International di Mosaik Picassiette.


Na luna di mei binidero e pareha artista procedente di Sao Paulo, Brasil lo bin Aruba pa duna algun Workshop di Mosaik Picassiette.

Alexandre y Solange Piffer ta procedente di Pompeia (city) - Sao Paulo, Brasil. E pareha a cuminsa traha arte di mosaik na 1999 cu soporta di mama di Alexandre, cu ta un artista tambe. Alexandre tabata traha e tempo ey como un welderdo fini y tambe cu arte di mosaik. Nan a traha y siña durante 20 aña y a bira experto den nan arte. Durante e ultimo 7 aña nan ta duna les. E prome obranan cu nan a traha tabata pa den nan cura.

Nan ta biba den un region cu ta hopi seco y ora e matanan perde nan flor nan mes a cuminsa traha flor di mosaik pa decora nan cura. Solange and Alexandre ta traha diariamente cu mosaik. Esaki ta nan entrada, trahando arte pa otro hende, crea, desaroja arte y tecnica nobo y duna workshop. Nan ta biaha rond di mundo educando, dunando lectura y dunando workshopnan. Nan a bishita paisnan manera Mexico, Alemania, Australia, Schotland y e aña aki tambe Aruba. Nan artenan di Mosaik ta inclui flornan y animalnan precioso.

Ate Mosa-Atelier Mosaic

Pa añanan Ate Mosa a sigui e artistanan aki y a tuma cursonan pa



domina e tecnica di mosaic picassiette y tambe a duna cursonan y siña otronan. A traha flornan, gay, shoco y otro bestianan. No ta facil pa yega na tayonan bunita y artistanan ta pasa busca tur caminda tayonan pa nan kibra.

E exposicion bunita aki lo ta habri for di diaranson 26 di februari te cu diabierna 5 di maart, durante orarionan cu Biblioteca ta habri. Publico ta bon bini na biblioteca. Apertura ta diamars dia 25 di februari di 6or y mey pa 8or.

Asina ta, si bo kibra un tayo bo ta bay mir'e na un manera diferente. Tayo no ta pa pone cuminda so, pero por traha obra di arte tambe cu ne. Pa mas informacion por tuma contacto cu Enrita Werleman na Ate Mosa tel. 661 3200.

Centro di Bario Noord ta celebra 'Dia di Nos Lenga Materno' cu charla special



AWE 21 di februari, UNESCO a proclama como un dia pa promove diversidad linguistico y enseñanza multilingual y tambe conscientisa e comunidad riba e importancia di enseñanza di nos lenga materno.

Relaciona cu e dia aki Centro di Bario Noord a invita Ramon Todd Dandare Mag.Ling pa presenta un charla relaciona cu e historia di nos lenga papiamento. E ta un bunita momento unda netamente e persona cu a dun'e charla pa inicia e celebracion aki 25 aña pasa, t'esun cu a dun'e charla aki n'e comunidad di noord diamars ultimo.

E interes di habitante di noord tanto di edad avansa como hoben a haci acto di presencia unda interactúa riba diferente preguntanan e anochi aki. Un historia cu ta bale la pensa ripiti, segun esnan cu a presencia e charla aki a duna di conoce. Centro di Bario Noord, e prome centro di bario na Aruba, su programa leider sra Ligia Roza ta trahando riba diferente programa pa asina trece esaki nan bek den e pueblo di noord. Sra Ligia ta gradici sr Gregory Mathilda pa su asistencia pa por a logra e evento aki.

Un centro di bario hopi activo unda ta organisa eventonan social, cultural, deportivo pa henter e bario. A pesar cu ta den pleno celebracion di carnaval, pa cua Centro di Bario

tambe ta yuda organisa y participa, nan no a laga e oportunidad aki pasa bay sin percura pa dun'e atencion special aki y haci eventonan educacional p'e bario.

Dia di nos lenga materno awor tin mas atencion pa habitan-tenan di Noord. Pabien Centro di bario Noord y ta spera di por continua cu e charlanan aki.





American Airlines ta sigui lidera yegada di turista na Corsou



AMERICAN Airlines ta sigui consolida como e aerolinea mas uza p'e turistanan cu ta biaha pa Corsou. Na januari 2025, nan a transporta 11 mil pasahero for di Miami y Charlotte p'e isla, superando KLM y Fly TUI, cu a mobilisa 10 mil y 8 mil pasahero, respectivamente.

E interes di e biaheronan Mericano pa Corsou ta sigui aumenta, un tendencia cu ta refleha den e cantidad di pasahero cu ta yega e isla. Aerolinea manera Delta, Copa Airlines y JetBlue a responde n'e creciente demanda cu mas vuelo y avion di mayor capacidad. Delta, por ehempel, a registra un sorprendente aumento di 552% den su cantidad di pasahero, mientras cu Copa Airlines a experencia un aumento di 77% y JetBlule a mira un aumento di 65% den su yegadanan.

E aumento aki den turismo Mericano a impulsa no solamente e trafico aereo, sino tambe den e industria hotelero y e servicionan turistico na Corsou. Cada biaha mas bishitante ta busca experencia riba e isla, for di su beachnan cristalino te na su vibrante cultura y gastronomia. E conec-

tividad aereo ta hunga un papel clave den e desaroyo aki y e aerolineanan a nota e potencial di Corsou como destino den ascenso.

A pesar di e avancenan aki, Aruba ta sigui ta e destino preferi p'e mayoria di e turistanan Mericano. Sinembargo Corsou ta posicionando como un alternativa atractivo, danki na su combinacion di tranquilidad, oferta cultural y creciente infraestructura turistico. Cu e expansion di e rutanen aereo y e aumento di bishitante, e isla ta sigui gana tereno den e mercado competitivo di Caribe.

Segun e website specialisa den aviacion Luchtvaartnieuws.nl, ta solamente un cuestion di tempo pa Corsou consolida ainda mas den e turismo Mericano. E tendencia den aumento den e yegada di pasahero y e inversion den opcion di hospedahe nobo ta reforsa e idea cu e isla ta profila como un destino cada biaha mas relevante den e region.

Fuente: Curacao Chronicle

BONEIRO

Cu apertura di Cruyff Court Ban Hasi Sport

Boneiro a estrena espacio deportivo inclusivo



BONEIRO ta conta awo cu un instalacion deportivo nobo y inclusivo danki n'e inauguracion oficial di Cruyff Court Ban Hasi Sport den e Fundashon Kuido pa Personanan Desabilita (FKPD).

E veld aki, diseña specialmente p'e personanan cu discapacidad, a keda inaugura diabierna ultimo cu presencia di e secretario di Estado di Hubentud, Prevencion y Deporte, Vincent Karremans.

Cruyff Court ta ofrece un ambiente sigur y accesibel unda e personanan cu discapacidad por practica deporte, reta otro fisicamente y sinti parti di e comunidad. Creacion di e espacio aki tabata posibel danki n'e colaboracion entre Cruyff Foundation, gobierno local di Boneiro y FKPD, cu e obhetivo di facilita e acceso na deporte pa tur hende.

Pa Nina den Heyer, diputado di Sociedad y Cuido na Boneiro, e inauguracion aki ta representa un motibo di orguyo p'e comunidad. *"No solamente e ta un luga pa ehercita sino tambe un espacio cu ta reforsa e conexon entre e personanan y ta promove igualdad. Mi ta contento cu, hunto cu e Ministerio di Salud, Bienestar y Deporte, Cruyff Foundation y*

FKPD, nos a haci esaki realidad," el a expresa.

E Secretario di Estado Karremans a destaca e importancia di ehercicio fisico, tanto p'e curpa como p'e mente. *"Deporte ta dibertido, e ta duna energia y ta yuda pa mantene nos saludabel. Ta esencial fomenta e actividad fisico den tur edad, incluyendo esunnan cu ta enfrenta mayor dificultad, manera e personanan cu discapacidad,"* el a afirma.

Niels Meijer, director di Cruyff Foundation, a biaha especialmente pa Boneiro p'e inauguracion. *"Nos fundacion ta traha pa un mundo caminda tur por haci deporte, sin importa nan limitacionnan. E Cruyff Court aki ta demostra con deporte ta uni persona y ta genera un impacto positivo den e comunidad,"* el a señala.

Pa Edilse Goeloe, director di FKPD, e proyecto aki ta representa un soño cumpli.

"Brinda e personanan cu nos ta sostene e oportunidad di ta activo y fortalece nan autoestima. Ta un paso importante pa inclusion na Boneiro," el a conclui.

Fuente: Antiliaans Dagblad

Gobierno ta destina un miyon euro pa alivia costo di coriente n'e islanan BES



E gobierno Hulandes a anuncia cu lo destina 1 miyon euro

pa sostene e habitantenan di Boneiro, Sint Eustatius y Saba cu entrada abao. E fondo aki lo beneficia esunnan cu ta ricibi ayudo bao di e schema ***“Inkomensondersteuning Armlastige en Aan Armoede Grenzende gezinnen (Iaag)”***, cu e obhetivo di alivia temporalmente e impacto di aumento den e costonan di energia.

E sosten aki ta forma parti di e Fondo Nacional di Emergencia Energetico, cu ta conta cu un total di 60 miyon di euro pa yuda e casnan den situacion vulnerabel. E medida a wordo confirma den un carta manda na Tweede Kamer p'e secretario di estado di Relacionnan di Reino, Alexandra van Huffelen e tempo ey, e secretario di estado di asunto social y trabao, Dennis Wiersma y e ministernan Micky Adriaansens (Asuntonan Economico) y Karien van Gennip (Asuntonan Social y Trabao). Den esaki, e autoridadnan a detaya cu lo reserva un maximo di 1 miyon euro p'e hogarnan rib'e islanan di Caribe Hulandes.

A pesar di e anuncio aki, ainda tin duda riba con y ki ora lo distribui e fondonan aki. Tampoco a defini cu claridad e criterionan di eligibilidad ni e mecanismo di entrega di e sosten financiero. Ta spera cu den e proximo dianan e gobierno brinda mas detaye riba e implementacion di e ayudo aki, cu ta busca pa duna un alivio n'e famianan cu ta enfrenta dificultad economico debi n'e aumento di e costonan di energia.

Fuente: DossierKoninkrijksrelaties





ACTIVIDADNAN DI SMAC 2025

11 NOV

 11/11 Carnival
Opening

10 AM-12 PM

11 JAN

 Parada di
Flambeu

8 PM-3 AM

12 JAN

 Eleccion di Prins
cu Pancho

6:30-11:30 PM

17 JAN

 Calypso y
Roadmarch
Infantil Hubenil

6:30-11 PM

18 JAN

 Eleccion di Reina
Infantil-Hubenil

6:30-11 PM

19 JAN

 Eleccion di Reina
Grandi y Sra.
Carnaval

6:30-11 PM

25 JAN

Dia di Betico

31 JAN

 Festival di Tumba
Infantil-Hubenil

6:30-10 PM

1 FEB

 Festival di Tumba
Aruba 53

8 PM-3 AM

2 FEB

 Parada di
Fantasia

2-6 PM

7 FEB

 Caiso & Soca
Monarch

8 FEB

 Caiso & Soca
Monarch

14 FEB

 Mascarade Parade
Savaneta

8 PM

14 FEB

Pre Jouve Events

15 FEB

Jouvert Morning

3-10 AM

16 FEB

 Traspaso di
Mando

10 AM-12 PM

16 FEB

 Parada di Mucha
Oranjestad

1-6 PM

19 FEB

 North In'l Sunset
Parade

7 PM-1 AM

21 FEB

 Parada Escolar
Scolnan Pre-
paratorio y Basico
Oranjestad

10 AM-12 PM

22 FEB

 Parada di Mucha
Noord

2-6 PM

22 FEB

 Aruba's Lighting
Parade

8 PM-3 AM

23 FEB

 Parada di Mucha
San Nicolas

1-6 PM

23 FEB

Momito

7-9 PM

27 FEB

Parada di Luz

8 PM-2 AM

28 FEB

 Parada Escolar
Scolnan Avansa
San Nicolas

10 AM-1 PM

28 FEB

 Parada Escolar
Scolnan Avansa
Oranjestad

10 AM-1:30 PM

1 MAR

 Parada Grandi
San Nicolas

11 AM-7 PM

2 MAR

 Parada Grandi
Oranjestad

11 AM-7 PM

2 MAR

Momo

7-10 PM

RECETA DI DIA



Dal Makhani

DAL Makhani ta un di e platonan mas emblematico den e region nort di India, specialmente den e region di Punjab. E ta prepara cu urad dal (bonchi preto) y rajma (bonchi cora), cushina lentamente den un saus cremoso di tomati y specerij. Loke ta hacie special n'e plato aki ta su sabor profundo y su textura suave, logra danki n'e uzo di manteca y crema. Tradicionalmente ta cushina riba candela abao durante varios ora, loke ta intensifica su sabornan. E ta un plato ideal pa compaña cu naan, roti of aros basmati.

Ingrediente:

Pa cushina e bonchinan:

1 cup di urad dal (lentels of linzen preto)

¼ cup di rajma (bonchi cora)

4 cup di awa

½ telep di salo

P'e base

2 cuchara di manteca (of ghee)

1 cuchara di azeta

1 siboyo grandim corta chikito

2 tomati grandi, machica

1 telep di pasta di ginger y conoflok

½ telep di turmeric

1 telep di comino den polvo

1 telep di garam masala

1 telep di chile den polvo (opcional)

½ telep di cilantro den polvo

Salo na gusto

Pa caba:

¼ cup di heavy cream

1 cuchara di manteca adicional

2 cuchara di cilantro fresco corta

Preparacion:

1. Cushina e bonchinan: Laba bon e urad dal y rajma. Laga nan muha durante por lo menos 8 ora of henter anochi. Despues, cushina den un wea y presion cu 4 cup di awa y salo durante 30-40 minuut, te ora nan ta completamente moli. Si bo ta uza un wea normal, e lo tarda aproximadamente 1,5 pa 2 ora.

2. Prepara e base: Den un pancho grandi, keinta e manteca



y azeta. Agrega e siboyo corta y hasa te ora cu nan ta bruin. Agrega e pasta di ginger y conoflok y cushina pa un minuut. Agrega e tomatinan machica y cushina te ora cu e azeta separa di e mescla.

3. Agrega e specerij: Agrega e turmeric, comino, garam masala, chile na polvo y cilantro den polvo. Cushina pa 2-3 minuut, mesclando bon p'e specerijnan libera su aroma.

4. Incorpora e bonchinan: Agrega e lentels y e bonchinan cushina hunto cu e awa cushina. Cushina riba candela abao durante 30 minuut, mesclando ocasionalmente.

5. Hacie cremoso: Agrega e heavy cream y un cuchara di manteca. Mescla bon y cushina pa 5 minuut mas.

6. Sirbi: Decora cu cilantro fresco y sirbi cayente cu naan of aros basmati.

Conseho pa un Dal Makhani perfecto:

Pa un sabor mas autentico, cushina e dal riba candela abao pa por lo menos 1 ora.

Uza manteca y crema di bon calidad pa logra un textura mas cremoso.

Bo por "smoke" e dal cu un pida carbon cayente y manteca dirti pa dun'e un toke special.

Fortaleza pa Famia

Mayor corda sostene bo yiu

TA deber di tur mayor, pa cria nan yiu, nan mester provee cas, cuminda, paña, etc., pasobra esey ta locual tur mucha tin derecho riba dje.

Ora nos papia di sostene, nos no kier men Telefon, tablet, laptop, pero tin hopi manera cu un mayor tin cu sostene su yiu p'e lanta un persona util pa comunidad y no un molester den comunidad. pasobra esaki ta un realidad grandi cu nos ta mira ta sosode tur dia y nos ta puntra na unda e mayor ta, kico nan a haci?

Den naturalesa ora bo planta un mata, ta bo deseo p'e crece stret y no manera un mata di kwihi, cu ta crece segun e biento cu ta zwaai e mata, tur desforma, cu raisnan zwak cu ora awasero cay duro y biento supla duro e ta cay pasobra su raisnan ta hopi superficial.

Awel mescos un mucha mester wordo sostene cu raisnan fuerte di educacion, pasobra educacion ta cuminsa na cas y tur mayor ta responsabel pa un bon educacion di nan yiu. Corda bon cu sosten pa bo yiu, no ta nifica e keds di ultimo modelo, pa competi cu otro, pasobra cosnan material, no ta parti di educacion, pasobra hopi hende ta kere cu si un mucha custumbra cu cosnan di marca for di chikito, e ta lanta un mucha, cu sa kico e kier.

Y hopi biaha eynan malcriansa ta cuminsa, pasobra un mucha mester lanta cu locual su mayornan por dun'e, p'e sa cu bida, nos tin cu biba trankil, no forsando pa competi cu otro hende, pero conforma cu locual bo tin y no bira egoista.

Ora nos sostene nos yiu den e forma ey, nos ta lanta un mucha sano, cu ta biba segun e budget cu su mayornan tin y ningun mayor mester traha dos trabao, cu nan no tin tempo pa sirbi Dios, pasobra nan ta ocupa den preocupacion di bida (Lucas 21:34). Pasobra tin hende ta traha dos trabao pa necesidad, pero tin otro ta traha dos trabao, pa luho, pasobra asina nan ta pensa cu tin mas cen den saco.

Un pregunta ta surgi: Kico lo a pasa si awor aki cu tur cos a bira caro y cu hende ta demostra di stima placa mas cu Dios y no tin oportunidad pa traha dos trabao?

Ki bale la pena traha dos trabao y perde famia, perde



yiunan, pasobra nan no tin bo sosten, pasobra ora bo no ta na trabao bo ta den Gym y awor aki den tempo di carnaval, mayor ta sali for di trabao directamente y bay traha riba su piece y yiunan ta nan so na cas.

Yiunan mester wordo sostene, cu tempo, amor, cariño, respet, coreccion, disciplina y mas cu tur cos pa siña nan e Palabra di Dios y con pa biba un bida cu ta agrada Señor.

Ora bo planta un mata y bo no dun'e sosten e ta crece bay den e direccion contrali y hopi biaha e ta dobla cu ta resulta dificil, pa stret e palo bek, awel asina ta un yiu cu lanta sin sosten berdadero di su mayor, pasobra no ta sosten financiero, cuminda y cas so ta conta, pero e sosten di decencia, ordo y respet ta primordial den bida di tur hoben, pasobra si un mucha no siña respeta na cas, e no ta respeta hende ningun otro caminda, asina e ta bira un mucha asocial, cu tur caminda cu e yega su actitud y vocabulario ta spanta hende.

Mayor bo sosten pa bo yiu ta un mandato di Dios, ta bo deber.

Santo di Dia

Un frè reformador cu a desafia su tempo

Awe ta Dia di San Pedro Damian

SAN Pedro Damian a nace na 1007 na Ravena, Italia, den un famia humilde. El a perde su mayornan fo'i mucha y un ruman mayor, cu a trat'e cu dureza, a crie. Otro di su rumannan, reconociendo su inteligencia, a mand'e studia. Pedro a probecha e oportunidad y a converti den un gran academico, pero su vocacion a bay mas leu di e bukinan.

El a dicidi laga tur cos pa drenta den e monasterio di Fonte Avellana, unda cu el a brasa e bida austero. Eynan el a dedica na oracion, escritura y e reforma di Iglesia. Pronto el a converti den abad y tabata un ehempel di disciplina y spiritualidad pa su rumannan. Pedro no tabatin miedo di denuncia corrupcion dentro di clero. El a skirbi carta y trata cu critica firme, pero semper for di un profundo amor pa Iglesia.

Su curashi a hib'e na ta consehero di varios papa, kendenan tabata confia den su sabiduria. Na 1057, papa Esteban IX a nombr'e cardinal y obispo di Ostia, pero Pedro a prefera e bida monastico.

Cu humildad el a acepta e cargo, aunke algun aña despues el a logra retira. Sinembargo, e papado a yam'e constantemente pa resolve conflicto y restaura paz.

El a fayece dia 21 di februari 1072, mientras el a bin di un mision den nomber di Iglesia. Su legado a perdura den e reforma eclesiastico y den su Escrituranan, cu a sigui ta referencia di spiritualidad y disciplina. Na 1828, papa Leon XII a proclam'e Doctor di Iglesia, reconociendo su inmenso aporte.



San Pedro Damian ta recorda nos e importancia di e coherencia entre fe y accion. E tabata un homber cu no tabatin miedo di enfrenta e poderosonan ora cu a trata di husticia y berdad. Su storia ta inspira nos pa biba cu curashi y fidelidad na nos principionan.

Dios semper ta habri un caminda

TIN biaha, bida ta pone nos dilanti situacionnan cu ta parece no tin solucion. Nos ta haya nos atrapa entre problema, sin contesta y cu e curason carga di preocupacion. N'e momentonan ey, ta facil pa perde speranza y pensa cu tur cos ta perdi. Sinembargo, Dios ta recorda nos un berdad fundamental: E semper ta habri un caminda, hasta ora cu nos no ta mira.

E storia di e pueblo di Israel ta siña nos esaki di manera poderoso. Ora cu nan tabata scapando di Egipto, nan a yega lama Cora y a keda atrapa entre e lama y e ehercito Egipcio.

For di nan perspectiva, no tabatin scapatorio. Pero Dios a habri e lama, mustando cu ora nos ta confia den djE, lo imposibel ta bira posibel. Mescos ta sosode den nos bida. Ora cu nos ta sinti cu no tin un salida, Dios ya ta preparando algo nobo.

E problema ta cu hopi biaha nos kier mira e solucion prome cu confia. Nos ta busca señal, siguridad of contesta inmediato y ora nos no ta haya nan, nos ta duda. Sinembargo, fe ta yama nos pa dal un paso dilanti sin mira tur cos cla. Dios no ta priminti nos cu lo splica tur cos di inmediato, pero si ta sigura nos su pres-

encia den cada reto.

Ta importante recorda cu e caminda cu Dios habri no semper ta loke nos ta imagina. Tin biaha ta toca nos warda, siña, crece of coy un direccion diferente. Pero cada paso cu nos dal cu confiansa ta acerca nos na un proposito mayor. No ta trata solamente di sali for di e dificultad, sino di transforma nos den e proceso.

Si awe bo ta sinti cu no tin salida, corda cu Dios ya ta obrando. Aunke bo no mira e solucion. E tin un plan perfecto. Resa, confia y sigui avansa. Dios lo habri un caminda unda parece no tabatin ningun. Bo no ta bo so. Su amor ta sostene bo y su guia nunca ta faya. Mantene e fe y sigui padilanti cu speranza.



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa frankil,
pa mi bolbe haña forza".
Salmo: 23

Cu inmenso tristesa na nos curason pero conforme
cu Dios su boluntad, nos ta participa fayecimento
na Hulanda di:

Norman Rogelio Delle
Mihor conoci como "Solo"
*17-05-1977 Aruba
†15-11-2024 Hulanda

Na number di su:
Mama: Maria Farro

Tata: †Rogelio Delle

Rumannan:
†Enid Tromp-Delle y Esposo Jairo Tromp
Rodger Christiaana, esposa y familia

Sobrinonan stima:
Jairo Junior Tromp y familia
Jair Tromp y familia
Yair Christiaans
Daveny Christiaans
Damaris Christiaans
Eliandra Christiaans
Bethany Christiaans
Israela Christiaans

Welo y welanan:
† Sr. Theodoor y † Catharina Farro-Tromp
† Sr. Raymundo Delle y † Bernadeta Delle-Barbolina

Tanta y Omonan y nan familia:
Ludwina Pak-Farro y familia
Stella Farro y familia (Hulanda)
Frida La Rosa-Farro y familia
Lita Farro
Robert Farro y Paulita
Doy Farro y Defa Rasmijn y familia
Irma y Franklin Eckmeyer-Farro y familia
Tico Farro y Corry y familia (Hulanda)
Nilca y Tico Tromp-Tromp y familia
Anton Kock y familia
Brigida y Lucien Larmonie-Delle
Omaida Delle y you
Richard y Lourdes Delle-Tromp
Raymundo y Helga Delle-Faneyte
Mildred y Siegfried Apostel-Delle
Nilva Delle
Mercedes y Rudy Maduro-Delle
Arnolda y Roy Donato
Magriet Delle
Gisella Delle y Ludo Put
Harold Delle
Eugenie Delle y Elton Petronillia

Tur su primo y primanan na Aruba, Corsow y
Hulanda.

Padrino y Madrina:
Frida La Rosa
†Hubert Tromp
Franklin Eckmeyer

Demas familia:
Delle, Farro, Tromp, Pak, La Rosa, Christiaans,
Rasmijn, Eckmeyer, Baarh, Kock, Figaroa, Faro, Leest,
Ridderstaat, Quandus, Carrasquero, Geerman,
Boekhoudt, Wolff, Cathalina, Gomez, Dreischor,
Esser, Lesire, Gomez, Faneyte, Apostel, Maduro,
Donato, Put y Petronillia.

Ta invita pa asisti na acto di despedida y
condolencia cual lo tuma lugar na Aurora Funeral
Home **dialuna 24 di februari 2025** di 7'or pa 9'or di
anochi.

Nos disculpa si den nos tristesa nos por a lubida
cualkier familia of conocir.



The Lord is my shepherd; I shall not want.
He makes me lie down in green pastures.
He leads me beside still waters.
He restores my soul.
He leads me in paths of righteousness
for his name's sake.
Psalm 23: 1-3

We announce the passing of

Simon Rudolf Wilson
*17-01-1954 - †16-02-2025

Left to mourn are his:
Wife:
Bozena Wilson-Machinova

Children:
William (Billy) Wilson
Gilbert Conrad Wilson
Eugene Riginold Wilson & Nhu Wilson-Vo
Simone Bozena Bains-Wilson & Travis Bains
Ivonne Cecilia Zimmerman-Wilson and Brian
Zimmerman
Cassidy Ann Vitek-Wilson & Martin Vitek

Grandchildren:
Aiden Carlton Bains, Alicia Bozena Jane Bains,
Lexington Piatt Wilson, Ellie Komsri & Maia Emry Wilson

Siblings:
Esline E. Wilson & fam.
Agnes & fam.
Antonio (Tony) Wilson & Ana L. Wilson-Chaves

Nieces & Nephew:
Ruben Hansen, Janine & fam, Pascal Hansen, Natasha
Arends & fam., Justin Wilson, Zosia Frontczak, Antonio
Frontczak, Luenda Alvarez & fam., Franklin Wilson &
fam., Kenneth Wilson & fam, Peter Correa & Gloria
Amparo Correa Zuluaga, Ricardo Wilson & fam., Carrol
& fam, Dorian Wilson & fam, Dylan Wilson, Osvaldo
Correa, Ezekiel Correa, Rachelle, Ruthlaine

Good friends:
Laurens D. Tromp, Julio Hernandez & other friends too
many to mention

Neighbors:
Maria Burseson, Anna Pourier, Benita Helder

Related to families:
Wilson, Machnovi, Chaves, Alvarez, Correa, Bains,
Zimmerman, Vitek, Hansen, Arends, Jacobs, Ridderstap,
Walker, Ferrari, Monte, Bilioso, Frontczak, Gil, Bernabela,
Tromp, Dickens, Franken, Ras

We apologize if in our sadness we may have forgotten
a family member or friend.

Opportunity for condolences:
Monday, February 24, 2025, from 7.00 pm to 9.00 pm at
Royal Funeral Home.

The funeral will take place on **Saturday, March 1, 2025**,
at Eastview Christian Church at 401 West Union Street
Bloomington IL 61701, USA, From 12.00 pm – 3.00 pm



Lagrima y floran por seca, su recuerdonan y tur loke
el a haci y significa pa nos, lo keda graba pa semper
den nos mente y curason. "Cerca Dios mi alma ta na
paz, ta di DJ'E mi salbacion ta bin" Salmo 62:1

Cu dolor na nos curason, nos ta participa fayecimento
di nos ser stima:

**Justo Pastor
Duran Suarez**
*09-09-1960 - †15-02-2025

Acto di despedida lo wordo anuncia despues



Gradicimento / Invitacion

Den number di su yiu nan, nieto(a) nan, bisanieto(a)
nan, sobrino(a) nan y demas famia kier a gradici tur
famia, amistad y conocirnan cu di un of otro manera
a contribui y a duna sosten durante enfermedad,
fayecimento y entierro di nos defunto stima:

**Sra. Vda. Florentina
Gomez-Giel**
Mihor conoci como Flora, Poja of Pooj

Un danki na Pastoor Jan, pa su ultimo Sacramento,
Pastoor Santiago, Diacono Theo Zievinger y su assistent,
Igmarr Maduro y coro Santa Anna, pa tur FaceBook
messages, Whatsapp messages, pa carchinan di
condolencia, areglonan di krans, Aurora Funeral
Home, specialmente na Judith pa e bon servicio y
atencion cu nos a ricibi.

Alabes nos kier a invita famia y conocir nan pa 3 Santo
Sacrificio di Misa pa descanso di alma di nos defunto,
cu lo tuma lugar na Misa Santa Anna na Noord.
Diabierna, 21 februari 2025 pa 6:30 p.m.
Domingo, 23 februari 2025 pa 7:30 a.m.
Diaranzon, 26 februari 2025 pa 6:30 p.m.

Despues di ultimo misa lo tin un rosario na cas (Jeritza)
Turibana 26-C



Gradicimento y Invitacion

Pa medio di esaki famia kier a gradici tur esnan
cu na un manera of otro a duna nos sosten, consuelo
y forza durante e tempo dificil cu e fayecimento y
entierro di nos defunto stima:

Virgilio Pascual Lacle
Mihor conoci como 'Milo'

Boso muestra di atencion ta di hopi aprecio y un
gran sosten pa nos. Un danki na un y tur cu a manda
carchi, krans, whatsapp, email y a hasi yamada nan
telefonico. Boso muestra di atenshon tabata un gran
consuelo pa nos.

Na mes momento nos ta invita famia, bisiña-, amigo- y
conocirnan pa compania nos na un Santo Sacrificio di
Misa na misa Santa Filomena na Paderá;
diabierna 21 di februari 2025 pa 7 pm.

Boso presencia ta altamente aprecia.



"Señor ta mi wardador,
mi'n tin falta di nada
Den cunucu di yerba
berde e ta ponemi sosega.
E ta hibami na awa frankil,
Pa mi bolbe haña forza".
Salmo: 23

Nos ta anuncia fayecimento di:

Elisabeth Brete
*11-08-1939 - †14-02-2025

Acto di entierro lo wordo anuncia despues.



Mi ta bai Feliz y agradecido pa e tempo largo cu Señor a regala mi. Pa tur e amor cu mi a ricibi y cu mi a duna. Señor ta bon y husto. E la mira cu mi tabata agota y e la tuma mi den su brasa pa mi por sosega.

Cu inmenso tristeza pero conforme cu voluntad di Dios, nos ta anuncia fayecimento cristianamente di:

Sr. Juan Antonio Arcaya

Mihor conoci como "Juancho"
*20-10-1941 - †13-02-2025

Na number di su:
Esposa: Swinda Arcaya-Kock

Yuinan: Gregory Arcaya
Rachella Arcaya y Anthony Cannegieter
Kenrick y Jahaira Arcaya-Rasmijn
Kaydee y Shawnee Paesch-Arcaya
Ryan Bregita y Ramzina Croes

Nietonan: Zvaviazka (Zavi) Maduro, Miljuaen (Milly) Lopez-Penha, Alexon Simmons, Alexei simmons, Amanda Alders, Jennyree Boekhoudt-Arcaya, Kareina Arcaya, Jeanrick Arcaya, Kayshawna Paesch, Khaylen Paesch, Kaysienne Paesch y Zi-Anne Loefstok.

Bisnietonan: Dason, Arqion, Keandra, Jenëdy y Eldrick

Rumannan: Petra Ramona y Ciro Robert-Arcaya
Francisco Arcaya
Enrique y Nelida Arcaya-Coquis
Orlando Arcaya y Bertha Geerman
Mireya y Ciro Ras-Arcaya

Suegra: Sra.Vda. Dionisia Kock-Dijkhoff

Sua- y Cuñanan: Marjorie y Tinchí Vrolijk y famia
Charmila Nadall-Kock y famia
Maikel y Lourdes Kock Feliciano y famia
Griselda Vrolijk-Kock y famia
Hashmin Kock-Maduro y famia

Omo y tanta, Sobrina- y Sobrinonan, Sobre-subrina- y Sobre-subrinonan, Prima- y Primonan, Ihanan, Su ex-coleganan di Radisson Hotel, su ex-coleganan di Softball y Bolas Criollas.

Demas famia: Arcaya, Kock, Dijkhoff, Paesch, Cannegieter, Maduro, Lopez-Penha, Simmons, Rasmijn, Croes, Boekhoudt, Alders, Bregita, Loefstok, Dirksz, de Abreu, Jansen, Blanco, Ras, Robert, Vrolijk, Feliciano, Coquis, Geerman, Lopez, Lugo, Koolman, Henriquez, Toppenberg, Orman, Villa, Ocando, Pas, Guanipa, Nadall, Diaz, Gonzalez, Valdez

Demas famia nan na Aruba y Venezuela

Ta invita demas famianan, amigonan, bisñanan y conocirnan pa e acto di despedida cu lo tuma lugar **Diasabra, 22 di Februari 2025** di 9or pa 11or am na Aurora Funeral Home despues lo sigui pa Santana Catolico na Paradera.

Nos ta lamenta cu despues di entierro nos no lo ricibi bishita di condolencia na cas y nos ta pidi disculpa si den nos tristeza nos por a lubida un of mas famia of amistad.



"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi". - Salmo 33

Cu dolor na nos curason, nos ta participa fayecimento di:

Francisca Reineta Croes

Cariñosamente yama "Stella of Jaja"
*20-09-1950 - †19-02-2025

Acto di entierro lo wordo anuncia despues



Behind each tear of grief, hides a smile of memories. Thank you for the beautiful memories we've shared with you.

Cu inmenso dolor na nos curazon, pero gradicido pa tur locual ela nifica pa nos, nos ta anuncia fayecimiento di nos querido Pareha, Tata, Tio, Abuelo y Bon amigo:

Sr. Enrique Alfonso Jacopucci

17 januari 1938 - 17 februari 2025

Na number di su pareha: Sra. Elena Duran-Bustos

Su yiuinan: Sandra y George Appiah-Jacopucci
Diana Jacopucci

Su nietonan stima: Noëla y Nathan
Ethan (Chacho), Elena (Nenalina), Cynthia (Minina) y Joshua (Joshi joshi)

Su rumannan: †Carmen Atencio de Escudero
Cidia Jacopucci
†Luisa Kusmus
†Eneida Jacopucci

Na Colombia: Daisy Padilla Medina
†José Prudencio Padilla
Dilsey Padilla de Agudelo
Carlos Eliseo Padilla Medina
Eligia Padilla Medina
†Reinaldo José Rosado Padilla
José Gabriel Rosado Padilla
Gabriel José Rosado Padilla

Su sobrinanan stima na Aruba: Magaly Hunt-Kusmus y Madel Jim

Su otro sobrinonan stima na: Curacao, Colombia, Merca, Hulanda y Australia.

Mama di su yiuinan: Amparo Echavarría y Gerardo Ortega

Yiuinan di su pareha: †Juan Manuel Suarez, Camilo Hernandez, Nicolas Hernandez

Su amigonan di "Schaakvereniging Aruba" (SVA):
Chelo Pesqueira y Octavio Croes

Su amigonan di semper: Eddie y Margot Thodé

Demas famia na Aruba, Curacao, Colombia, Merca, Hulanda y Australia.

Un danki special na specialistanan Dr. Caceres, Dr. Jreige, Dr. Franca, Dr. De Jong y enfermeronan di piso B3 na hospital pa e bon cuido y dedicashon pa cu nos ser stima.

Nos disculpa pero después di entierro no ta ricibi bishita di condolencia na cas.

Acto di despedida lo tuma lugar **Diaranson 26 di februari 2025** na Aurora Funeral Home di 2or pa 4or di atardi. Cremashon lo tuma lugar den seno familiar.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa". Salmo: 23

Nos ta anuncia fayecimento di:

Roland Narcisio Kock

Mihor conoci como: "Chicho"
*02-09-1952 - †18-02-2025

Acto di entierro lo wordo anuncia despues.



It is with deep sorrow that we announce the sudden passing of:

Mrs. Natasha Andrea Ashley-Willems

Also known as "Tasha"
Sunrise: June 10, 1978
Sunset: February 14, 2025

On behalf of her family:
Mother: Antonia Alberta Willems-Bryson
Father: †Mauricio E. Willems

Husband: Corey Ashley
Mother in law: Veronica McFee
Father in law: Oliver Ashley

Children: Keyana Willems
Keayshawna Willems
Aurorra Ashley

Grandchild: Shameer King

Sister: Nadia and Jamal Cremony
Eugeline Cecilia
Ovinne Clemencia

Brother: Maurits Willems
Anthony Willems

Great Aunt: Sylvia Rombley

Uncles: Rudolfo Richardson
Roberto Bryson
Antonio Rombley
Benjamin Rombley

Nieces: Nalliyah Willems
Tishayna Willems
Gina Willems
Dulcienne Willems

Nephews: Jeremiah Godett
Jaydon Willems

Cousins: too numerous to mention

Close friends: Taneisha, Janice, Lisa, Sandy, Lucaskjo, Micaela, Selma, Sandra and Gerold

Related to Willems, Rombley, Myers, Bryson, Spanner, Rogers, Richardson, Rooyer, Kock, Maduro and Fraser.

The Funeral Service for the late Mrs. Natasha A. Ashley-Willems will take place on **Tuesday February 25, 2025** at the San Nicolas Seventhday Adventist Church located at Dr. Schaepmanstraat 3.

The viewing of the body will be from 1-2 and the celebration of life service will be from 2-4pm.

Evening of condolences will be on **Monday February 24, 2025** from 7-9 pm at the Pray Funeral Home in San Nicolas.

Our apologies if we may have forgotten anyone in our grief.

We regret to inform that we will not be able to accept any condolences after the funeral.



Señor ta bon y husto
El a mira cu mi tabata cansa y el a tuma mi den su brasanan pa mi por sosega.

Cu tristeza pero conforme cu voluntad di Dios, nos ta anuncia fayecimento di

Jan Willem Flanegin

Mihor conoci como "Wim"
02-11-1952 / 17-02-2025

Acto di entierro lo wordo anuncia despues



Ora boso ta tristo y ta hayando mi falta, busca otro y corda riba e Amor cu mi a comparti cu boso. Haya mi falta, pero lagami bai.

Cu inmenso dolor na nos curason, pero conforme cu boluntad di Dios nos ta anuncia fayecimento di nos Mama, Wela, Ruman y Tanta:

Shirley Rose de Cuba-Canhigh

*10-01-1949 - †18-02-2025

Na nomber di su:

Esposo: †Demetrio (Shome) de Cuba
Yiu: Michel de Cuba y esposa Charlotte de Cuba-Maduro
Nieto: Chamyl de Cuba y Ava Rooijackers
Nieta: Michaline (Micha) de Cuba y Gregory de la Cruz

Rumanan:
†Alfreda y †Jack Maderbocus y famia na Inglatera
†Keith y †Sheila Canhigh y famia na Curacao
Betty y †Frank Wolf y famia na Hulanda
†Cecily
Mable y †Jan Bollebakker y famia na Hulanda
Elaine y Ruben Giel y famia

Ruman di criansa:
Dennis y Marcela Canhigh y famia

Sobrino(a)nan:
Bibi y famia na Inglatera, Soraya y famia na Inglatera, David y famia na Curacao, Valerie y famia na Curacao, Lisa y famia na Curacao, Sharon na Curacao, Suzanne y famia na Hulanda, Jorina na Hulanda, Marcus y famia na Hulanda, Eduard y famia na Hulanda, Dhyani y famia, Clifford y famia na Canada, Albert y famia, Edward

Cuñanan y Swanan:
Vdo. Alberto "Boei" de Cuba y famia
Filomena "Mena" Geerman-de Cuba y famia na Hulanda
Juan de Cuba y famia
†Tida Henriquez y famia
† Eve Croes y famia
† Maria Franken y famia
† Jossy de Cuba y famia
† Dionisia Maduro y famia
† Ignacio de Cuba y famia
† Lucia de Cuba y famia

Con suegro: Alfred "Freddy" Maduro y famia
Famia serca: Marlon y Angelique Maduro y famia

Su Ayudante: Yris Perez-Ventura y famia

Tur su Sobrino y Sobrinanan, Primo y Primanan, su Ihanan, Bisiñanan y Amigonan.

Demas Famianan: de Cuba, Canhigh, Maduro, Giel, Bollebakker, Wolf, Croes, Koolman, Henriquez, Franken, Geerman, Krozendijk, Rasmijn, Rollock, Tjon Sie Fat, Boekhoudt, Thijsen, Gil, de Lange, Vlaun, Wever, Schwengle, Oduber, Wanga, Perez, Kransen, Dania, Kelly, Maderbocus, Hayward, Rooijackers, Evertsz, van der Zwaan, Dreischor, Lacle, Tromp, Moore, Castillo, Calvo, Rodriquez, Niffikeer, Madhosignh, Maharajah, Pellicer, Muller, Caster, Tong, de la Cruz, Marin, Bislip, Vrolijk, Jarzagaray,

Nos ta pidi nos disculpa si den nos tristeza nos por a lubida un of mas famia.

Entiero lo tuma lugar **dialuna 24 di Februari** di 9 am - 11 am na misa Sagrado Curason na Savaneta despues lo hiba nos defunto stima na su ultimo lugar di sosiego na Santana Central Sabana Basora.

Oportunidad pa condolencia: **Diabierna 21 Februari** di 7 pm - 9 pm na Aurora Funeral Home.

Ta duel nos cu nos no por ricibi bishita di condolencia na cas



Señor ta mi wardado, lo mi no tin falta di nada. E ta ponemi drumi den luganan di yerba berde; E ta hiba mi canto di awanan keto. E ta restora mi alma; E ta guiami den e camindanan di justicia, pa motibo di Su nomber. Maske mi cana den e vaye di sombra di morto, mi no tin miedo di maldad, pasobra Abo ta cu mi. Bo bara y Bo garotí ta consolami. - Salmo 23 :1-4

Cu dolor na nos curazon pero conforme cu boluntad di Dios, nos ta participa fayecimento di:

Sr. Elio Rafael Rodriguez

Cariñosamente yama "Tatai of Japi"
*22 november 1933 - †16 februari 2025

Mayornan:
†Juan Antonio Rodriguez
†Julia Ramona Rodriguez-Rosa

Esposa:
†Aura Raquel Rodriguez-Tromp

Yiunan:
Esmeralda van den Berg-Rodriguez y Wouter van den Berg
Danilo y Gizet Rodriguez
Humphrey Rodriguez
Jeanila Rodriguez y Lucienne Marten
Rodney Rodriguez y Esposa

Nieto y Nietanan:
Steven Elio van den Berg
Gisdanya Salamatín-Rodriguez y Jade Salamatín
Jeaney Rodriguez y Camiel Wits,
Gisdan Rodriguez y Lisette Rodriguez-Helder
Sharina Rodriguez
Noah Rodriguez & Ailen Lovera Rojas
Roxanne Rodriguez
Kyandra Rodriguez
Guido Rodriguez

Bisanieto y bisanietanan:
Sebastian Rodriguez, Jadan Salamatín, Giamaylla Rodriguez, Djamilio van den Berg, Jadah Salamatín, Sean van den Berg, Shannaya Rodriguez, Shanella Rodriguez, Jaylah Salamatín, Aaliyah Rodriguez, Luna Wits, Máximo Rodriguez

Rumanan:
Juan del Valle y †Aura Rodriguez-Leest
†Jorge y Anna Rodriguez-Hypolite
Eulogio Rufino y Jinita "Nereida" Rodriguez-Morillo
Israel y Maria Rodriguez-Maduro
Albertina Rodriguez
Elvia y Edwin "Papito" Comenencia-Rodriguez

Sobrino y sobrinanan, primo y primanan, ihanan, bisiñanan, amigo y amiganan.
Ex coleganan di AMC Unicon.
Un danki special na Cas Cristelle pa e atencion y cuido.
Un danki special na Bisiñanan pa e atencion.

Demas famia:
Rodriguez, Tromp, Rosa, Van den Berg, Marten, Leest, Hypolite, Morillo, Maduro, Comenencia, Salamatín, Helder, Wits, Rojas, Odor, Gibbs, Schwengle, Espacia, Kraan, Blankenstein, Amedee, Boekhoudt, Perez, Thode, Vd Logt, Schmidt, Pfoster, Everts, Taekema, Kock, Geerman, Grant, Reyes, Raven, Franken, Lourens, Barges, Chandler, Gumbs, Krozendijk, Famia na Hulanda y Merca

Ta invita pa acto di despedida cual lo tuma luga na Aurora Funeral Home.
Fecha: dialuna 24 di februari 2025
Orario: 2:00-4:00 pm.

Cremacion lo tuma luga despues den seno familiar.
Nos disculpa pero despues di despedida nos no por ricibi bishita di condolencia na cas.



"Bou di alanan di Dios mi ta sigur"
Abo cu ta biba bou di amparo di Altísimo, ta hospeda den sombra di Dios Omnipotente, bisa Señor: "Mi refugio, mi forti, mi Dios, den kende mi ta pone mi confiansa
Salmo 91:1-2

Cu tristeza den nos curason, pero conforme cu boluntad di Dios, nos ta participa fayecimento di:

Victoriano Bermudez

Mihor conoci como: Bito, Papie, Welito
*08 -11-1929 - †18-02-2025

Viudo di:
†Maria S. Bermudez-Faro

Su yiunan:
Robert (Franky) Bermudez y Yiunan
Ester Bermudez
Lourdes (Oety) y Edgar (Riki) Martis-Bermudez y yiunan
Maritza (Linky) Bermudez y yiunan
Astrid (Toeky) y Franklin Maduro-Bermudez y yiunan
†Enrico H. R. Bermudez
Giovanni (Capichi) y Gina Bermudez-Leo y yiunan

Manera yiunan:
Anthony, Milda (Isa) y Jennifer Bermudez

Nietonan:
Marvic, Louriene, Ederick y Juliette, Eryliene y Johnnessy, Lynrick y Nathalie, Allymar, Allyshah y Sharif, Allysee, Gianni, Giordano y Isabella, Giovanni

Bisanietonan:
Shelove, Allysza, Zidane, Jeremiah, Johnandro, Sadie, Joleigh-ann, Jethro, Cayden, Judah, Aliana

Rumannan:
†Imelda Eckmeyer-Bermudez y +Jacobo Eckmeyer
†Francisco Bermudez y +Germania-Bermudez-Ramirez
†Fabiano Bermudez y Vera Kelly
†Marco Bermudez
†Marianita Bermudez
†Louis Bermudez y †Tomasita Bermudez-Faro

Subrino(a)nan, Sobre subrino(a)nan, Swa- y cuñanan, Prima y Primonan, Comer y Compernan, Ihanan

Famianan:
Bermudez, Faro, Eckmeyer, Tromp, Martis, Maduro, Leo, Mejia, Besselink, Croes, Emerencia, Lake, Mathilda, Kelly, Trimon, Rustveld, de L'isle, Inocencia, Simon, Bronswinkel, Benita, Dijkhoff, Thijsen, van der Biezen, Ramirez, van der Blik, Luidens, Giel, Vrolijk, Leocadia, Figaroa, Krozendijk, Krosendijk, Escobar, y demas famianan mucho pa menciona.

Bisiña, famia y conocirnan:
Tur bisiña y famianan di Boegoeroei, Luisa Mejia y yiunan, Enrique Croes, su bon amigo Teofilo Tromp, ex-coleganan di LAGO

Su ayudantenan di cas un danki di curason:
Magaly (Lienchi) Tromp, Janine Godoy-Hooft, Morelia Rodriguez

Un danki especial na WGK, su dokternan di cas Dr Wever, Laurene Vinck y team

Oportunidad pa condolencia:
Royal Funeral Home **diabierna 21 di februari** for di 7:00 pa 9:00 di anochi

Acto di entiero ta tuma lugar **diasabra 22 di februari 2025**, for di 9:00 pa 11:00 di mainta na Royal Funeral Home, despues pa Santana Catolico na Noord.

Nos disculpa cu den nos tristesa nos por a lubida un of otro famia

Despues di entiero nos no ta ricibi bishita di condolencia na cas.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com